

12

HARVARD COLLEGE LIBRARY
FROM THE
HARVARD-YENCHING
INSTITUTE
JUL 8 1929

Ch L 3154.0.82
3

Ch L 3153.7316.82

勅脩陝西通志

第十二卷

山川五

興安商

同

陝西通志第十二卷

山川五

興安州

商州

同州



興安州

牛頭山

即牛山

在州北九十里

州冊西城縣有牛山

唐書地理志○西城故城在州西北牛

山為州境羣山之冠上有泉不涸不溢禱雨輒應

輿地紀勝

黃巢谷在

金州牛山

雍大記○金州即今州治

牛頭山綿亘百餘里高入雲漢有金牛洞

即昔人掘劍刺黃腰獸處又其巔有五砮山峯巒錯互又有蠟燭

山青翠挿天以形似名

州志○砮音洛

九里岡 在州北五十里石磴峻嶒陡峻難上神灘河經其陽琉璃

河經其陰為長安孔道

州志

昭陽嶺 在州北百里其山高峻日出先及故名麻坪河經其陽洶

河經其陰山麓有石砮名轆轤杷

州志

三教山 在州北百二十里山甚高有二龍湫相傳為南嶽禪師道
場二龍得度報以甘泉其傍有喬松二龍所遊戲繞三匝而上舊
痕宛然歲旱禱雨於此又州北百三十里為觀音山州志

王莽山 在州北三百里莽嘗遣兵戍守於此傅家河之水出焉山
傍有樹高數仞其陰四蔽而空其中名重陽樹又王莽山西為燕

子嶺接鎮安界又燕子嶺東為二郎山四面險峻其頂平坦可屯
數千人泉流皆瀑布林木翳翳人跡罕至過此則為鎮安之下茅

坪矣州志劇盜淡文省據燕子嶺距邑二百八十里明劉閣香溪洞記

心山 在州西北五里又相近有梅花山首枕漢江是為姚墟州志漢

陽厥守漢中棄官修仙於此明劉閣記。陽一作楊。

長鎗嶺 在州西北十五里又折弓堙在州西北五十里相傳有將

軍戰沒於此失其姓名土人祠之州志

鯉魚山 在州西四十里山上有泉舊時泉內有二鯉魚禱雨多應

今泉涸其相近有赤崩灣宋將楊大勳死節處州志州西三十里地

名秦郊渡月河約二里有山最高曰鯉魚山與漢陰鳳凰山相連

以鳳凰為頭鯉魚為尾共一百二十里輿地紀勝

三條嶺 在州西六十里明末寇亂鄭將黃元吉死處又州西六十

五里曰擂鼓臺土阜巋然亦古戰場也州志

鳳凰山 在州西七十里懸聳萬仞冠絕羣山雍勝畧山西阻池河北

阻越河東南阻漢亘二百五十里跨與漢石紫四郡縣地又天馬

山在州西九十里亦鳳凰山之支也越河經其下其相近有越嶺

與天馬山對峙設有越嶺關與漢陰接界又小堙子在州西百二

十里兩山壁立中通一路如線州志

寶山 在州西百五十里接紫陽界州志

西城山 在州西南五里古縣治建其下今有三石塔存其相近又

有藥王山以祠祀孫真人而名州志○按寰宇記西城故城在漢江北西城山東與州志不合

魏山 在州西南九里元和志心山二里至魏山三面險絕惟北小徑

可捫葛而升晉吉挹督護梁州秦韋鍾來寇挹嬰壘急口岐山固

守三年不可下即茲山也明劉閣牛山記

天柱山一名紫在州西南四十里一名紫子山高險壁立其下有碧

瑱洞今封閉州志

郎家山 在州西南八十里州志

馬蝗山 在州西南九十里香河水經此州志

南宮觀山 在州西南百五十里石笋凌空四壁如削嵐河水經其

下砰砢如雷不通舟楫州志

趙臺山 在州南二里梁時漢水泛溢人皆走避此山元和志州南三

里曰歡喜嶺山色皆赭有巨冢名太子墳俗傳為堯第九子無所考昔有牧兒陷入見殿廷儼然皆上古時物以土封之後遂失其

處州志

玉屏山 在州南五里山多青白堊香溪水出此其相近又有尖峯

山州志

文筆山 在州南七里其相近有香溪洞州志平利縣北數十里有香

溪柴扉洞輿地紀勝自魏山又三里度香溪溝入崇山中有石洞相傳

呂洞賓郭尚竈傳道茲洞洞前有石棋枰及子人不敢取尚書胡

澗有詩鏡石壁明劉閣香溪洞記出郭循溪而南度仙關折而南為純陽

洞又南為八仙洞又西為三茅洞亦名凌霄洞與純陽洞隔溪相

望橋上有玉皇閣相傳即呂郭棲息處又相近有龍門谷谷有龍

門洞洞有三泉旱禱輒應州志

五峯山 在州南五十里五峯聳秀為州勝槩州志

牛蹄嶺 在州東南十五里路極險峻黃洋河經其下州志

老君山 在州東三十里其相近有古廟嶺磨溝水所出又州東四

十里有高洞山又州東四十五里有青碌山有石洞十二處州志

高王山王一作望在州東六十里迥出眾山有高王祠又歪頭山在州東

八十里州志

鵲嶺 在州東接上津縣界地極險要雍勝略

白雲山 在州東北五里白雲之泉出焉一名卓錫泉相傳為南岳

懷讓禪師卓錫得泉處又大團山小團山俱在州東北十里州志

龍王山 在州東北三十里上有龍湫大旱不涸其相近有老樹嘴

相傳昔山有豫章樹因以是名北望終南南望吉陽諸山簇簇如

畫州志

將軍山 在州東北四十里相傳舊有將軍戰歿故名山後有石洞

內藏鐵盔甲不知所自人不敢近賈志其相近有古墓嶺州志

附考金川縣有焦陵山隋書地理志西城縣有伏羲山寰宇記○按金川

無考又按路史注伏羲山在西城女媧山在平利與伏羲山接則山當在州東南近平利界疑即今之高王山也

漢水 在州城北一里自紫陽界入境又東入洵陽界州圖漢水自逕

魚脯溪口又東過西城縣南又東逕鼈池鯨灘又東逕嵐谷北口

又東右得大勢左對月谷口又東逕西城縣故城南又東為鱸湍

水經注漢水去州城百步元和志漢江自樓子灘入州境又東為月池

灘在州西南百六十里又東三十五里為馬尿灘又東五里受道

河之水為思灘又東三十里為高洋灘低洋灘又東十里受蒿坪

河五堰河溜水河嵐河之水為三堆灘又東五里為織女灘又東

五里為串灘又東四十五里為麩灘又東二十里受吉河月河之

水為月河灘又逕州城下為州身灘又東去州十里為立石灘又

東二里為下立石灘又東三十里受神灘河水為神灘又東五里

為二郎灘又東七十里為洵陽界諸灘之中麩灘串灘二郎灘為

險而神灘尤甚明成化間知州鄭福於沍冬時用火燒石疏鑿以

殺其勢舟行利焉又江中有安康石因郡得名常隱不見見則歲

饑又有美女石亦在石泉壩漢水北岸州志○詳見圖考

大道河 在州西南二百二十里又小道河在州西南百八十里源

俱出界嶺各東北流入於漢州

蒿坪河 在州西百十里州源出鳳皇山自紫陽界來西南流入於

漢州志

五堰河 在州西九十里州源出鳳皇山老龍池西南流入於漢州

溜水河源出羅圈崖其水合於五堰河州

易家河 在州西南七十五里源出王家山南流四十五里入漢州

嵐河 在州西南七十里雍勝漢水東逕嵐谷北口嶂遠溪深澗峽

嶮邃氣蕭蕭以瑟瑟風颼颼而颺颺故川谷擅其目水經源發四

川太平縣界逕平利縣流入州境入漢江州源出化龍山東流

七百餘里中有仙人碕巨靈跡鎖龍椿諸勝至石泉壩南北流入

漢州香河水在州西南九十里逕馮蝗山入嵐河州

吉河吉急河在州西南十五里源出平利縣界東北流入漢江亦

謂之吉河漢中府志漢水右得大勢勢咀急溪故亦曰急勢水經西城

縣有吉水九域志吉河自界嶺來西北流入於漢州志○接急勢城

亦因吉挹而名也挹所治則吉河或

月河月在州西七里自漢陰縣流入又東南入漢州漢水左對月

谷口山有坂月川于中黃壤沃衍水經越河出鳳凰山東流至漢

陰受添水河水過越嶺關受白魚溝水又受恒河水昔逕赤崩灣
 過牛山之麓明末洪水南徙沙礫皆為沃壤是為截河又東受傳
 家河水又東流入於漢水口甚狹僅可容舟其恒河在州西北七
 十里一名衡河源出牛頭山亦自漢陰界來曲折南行林莽之中
 三百餘里南流入月河又有黑水河在州西北二百里東南流入
 恒河其傳家河在州北二十五里源出王莽山南流入越河州志
 黃洋河 在州東南五里州圖源發平利縣境化龍山北流入於漢又
 陳家溝在州南二里故道由新治內因建新城導流東門外夏秋
 水漲則循城北逶而西流與施家溝水會逕舊城西南隅折而東
 過會源橋出開口入黃洋河每歲五六月水潦暴至則損傷禾稼
 直衝郡城郡人苦之州志黃洋河源發平利界之石梁山東流入州
 界逕狗脊關流七十五里入漢州冊

神灘河 在州東北八十里源出牛山東南流入於漢州志自夏家灘
 流來合琉璃溝水入漢州冊

黑龍泉 在州西北八十里桑溪村禱雨有應州志
 小絲泉 在州西八里泉派如絲其出不竭州志

三泉 在州南五十里龍門谷中禱雨有應州志
 金泉 一名金井泉 在州治東賈志子城東之井也取金生水之義輿地紀勝在州

東二里白龍隄金華寺其深四丈水甚甘冽州志
 平利縣

女媧山 在縣東三十里灌溪源出于此賈志平利縣有女媧山唐書地理
志西城縣有女媧山九域志○西城今屬興安州岡巒起伏蜿蜒四十餘里晉

桓溫伐秦其將司馬勛為苻雄所敗退屯女媧堡即此縣志
 錦屏山 在縣城南又觀山在縣城西山勢起伏屹然為縣治水口

中有元天觀一名元天觀岡又龍山在縣城北縣治倚此志縣

光頭山 在縣北三十里又高望山在縣北四十里孤峯突聳山頂

有雲必雨人以爲候接興安州界志縣

馬鞍山 在縣西三十里志縣

蟠冢山 在縣西四十里又相近有風洞深不可測四時有風從穴

中出賈志○按此非寧羗之蟠冢辨見後

狗脊嶺 在縣西五十里接本州界志縣

石梁山 在縣西南百二十里志縣九股坪在縣西南四百里中有平

地一區東臨蘄崖西接屬境昔流賊嘯聚於此冊縣

化龍山 在縣南二百里上有九臺十三灣多奇鳥怪獸志賈

花池山 在縣南三百里由化龍山脊百二十里通花池山由花池

山脊百七十里通四川太平大寧等處叢林密箐絕少居人又鎮

坪在縣南五百十里接四川界冊縣

藥婦山 在縣東南百里志縣昔有夫婦攜子入山其父落崖妻子搗

藥救之尋俱化爲三石人山頂藥臼尚存周地圖記

秋山 在縣東南百九十里通四川路山頂上下四十里林木蔽日

四時凝雪不消中有一碗泉隨飲隨溢志縣

松子山 在縣東六十里山甚高峻其上有池名天心水又相近有

馬鬃嶺以形似名有洞曰羅圈洞志縣

八里岡一名花栗岡在縣東九十里岡東西凡八里俗名花栗岡其地山

環若城水遶如帶明嘉靖初縣被水災議徙治于此居民重遷事

遂寢志縣

筆架山 在縣東百五十里其相近有白土關志縣

了角山 在縣東北百里兩峯並峙形如丫角接洵陽縣界志縣

大頂山 在縣東北百六十里接湖廣竹溪縣界志縣

嵐河 在縣西南百五十里源出四川太平縣界北流至州界入漢

江又有牙河在縣西南二百五十里東通金毛關南通鎮坪其水

北流入嵐河志縣

黃洋河 在縣西南三十里源出風線口西北流入州境注漢江又

灌溪河在縣南二十步源出女媧山西北流合黃洋河又有月溪

河在縣北十五步源出高王山南流西折遶縣城而會於灌溪河

水勢環曲如月故名或曰即寰宇記所謂聲水志縣

冲河一名界溪河一名壩河在縣東南百十里一名界溪河又至白土營名壩

河自湖廣竹谿縣流入縣境又流經洵陽界合于閭河又秋河在

縣東南百八十里源出四川大寧縣界北流入於冲河又松杉河

在縣東百六十里源出武陵關流入秋河又太平河在縣東南百

三十里源出秋山其水合于秋河又石牛河在縣東南百三十里

亦自竹溪縣流入合于冲河又連仙河在縣東百六十里源出竹

溪縣大頂山亦南流合于冲河志縣

南江河 在縣東南二百五十里與大寧縣接界其上源曰小源溪

母猪峽東北流逕縣境又東入湖廣竹山界志縣

龍潭 在縣東六十里濶四丈其深莫測遇旱禱雨輒應志賈

馬池水 在縣西四十里源出蟠冢山下之神馬淵與西縣水會志賈

○按水經注西縣蟠冢山西漢水所導西流與馬池水合水出上
邽西南謂之龍淵水龍馬所生又謂之馬池川此西縣在今秦州
去平利甚遠賈志殆以蟠冢之名而誤也疑
所云蟠冢山亦涉附會特存其說附辨于此

天池 在縣文廟後池水清澈大旱不涸志州秀泉在文廟前志賈

清平泉 在縣治前其水至清居人飲之不生癭瘤志賈

洵陽縣

黃杼嶺 杼落胡切黃杼木名可染 在縣西三里上通黑山之嶺為邑主山又駱駝

山在縣西百二十步東枕縣治西接羣山以形似駱駝之項故名

縣志

臨崖山 在縣東一里峯巒環擁南枕漢江北控鵲嶺上有寺又觀

音洞在縣治北祈禱有應 縣志

羊山 在縣北四十里 賈志 即終南之支也連絡千里相傳為福地脩

仙之所絕頂西接商鎮南瞰漢江人跡罕到有鐵釜一口可容水

數石內生松一株大數十圍世傳張良辟穀于此觀址鐘鼎尚存

山下有仙花洞在縣北八十里洞極宏敞上有花藻如雕刻下有

泉寒冽異常又有谷粟洞一云谷壘洞在縣西北百里內有龍湫

知縣羅熙禱而得雨為文祭之 縣志

仙姑碕 在縣北百三十里有碕路至金坪俗傳為仙姑所修故名

縣志

西北山 在縣北百五十里 縣志

盱陽嶺 陽一作羊又名楊家嶺 在縣西北九十里東臨洵河西接本州界又名

楊家嶺 縣志

合抱嶺 在縣西北百里以山水環抱故名 縣志

青山 在縣西五十八里東北枕漢江西南接本州界其下有洞產

碧瑱石今封閉 縣志

留停山 在縣南二里 縣志 行人愛其秀拔多留停縱覽因名 寰宇記

谷山 在縣南十里歲旱禱雨多應 縣志

馬鞍山 在縣南五十里以形似名其相近有尖朶山又有鏡石崖

懸如削光耀奪目數里之內物象悉照 縣志

將軍山 在縣南六十里又風洞在縣南八十里洞中有大風極寒

人不可當

縣志

女華山 在縣南百二十里山極高峻林木蒼翳山腰有洞入洞口

二里許皆沙河洞中雲出必雨人以爲候

縣志

連尖山 即連嶺山 在縣南百五十里山極高峻以三峯尖聳並峙而名深

奧險僻俗傳爲普庵道場舊名連嶺山

縣志

紫荊山 在縣東南五十里有洞深可五六里號仙洞山後有石池

池傍有石蓮花

輿地紀勝

觀音崖 在縣東八里下瞰漢江多石穴

縣志

神仙洞 在縣東七十里

縣志

內有生成石蓮花十九朵石獅子一洞

門鐫紫蓋神仙洞天六字

名山記

洞門高一丈七尺深不可測有古

碑剝落鄉民祈雨輒應又黑龍洞在縣東百里早禱亦多應

縣志

禹穴 在縣東百三十里穴傍鐫禹穴二字有古碑剝落相傳禹導

漾時經此

雍勝畧

浮雲山 在縣東百五十里其峯高聳上有迴龍觀南臨漢水北接

羣山抵商州界

縣志

當門山 在縣東百七十里兩峯相對望之如門

輿地紀勝

硃砂洞 在縣東二百四十里今封閉

縣志

龍山 在縣東北百二十里山有靈泉早禱即應

輿地紀勝

水銀山 在縣東北百四十里南臨蜀河北連鷓嶺有硃砂水銀洞

三處

縣志

碧瑱山 在縣東北百五十里有碧瑱洞今封閉其相近有鷓嶺又

相近有穿崖其高千仞崖中一竅南北相通可三里許

縣志

附考縣北有懸書崖高五十丈刻石作字今人不能上不知所道山

下石壇上有馬跡五所名曰馬跡山

水經注

縣有麻嶺山金州山

志○按此三山今俱無考

漢水 在縣南百十步自本州界流入又東入白河界賈志漢水自鹽

湍又東合旬水又東逕木蘭塞南又東左得育溪又東得甲水口

水經注漢水在廢涇陽縣城南東流寰宇記○涇陽故城在縣東洵陽縣有漢江

九域志漢江在縣南門外至縣東三十里為構園沱夏秋水漲舟行

甚艱又至縣東百五十里有仙灘又東三十里有藍灘亂石縱橫

怒濤洶湧為舟楫患縣志○詳見圖考

閭河 閭一作鹽一名澗在縣西二十五里源自平利縣來北流入漢

雍勝畧澗水在縣西二十七里一名閭谷水北注於漢其閭字亦為

驢字寰宇記平頂河在縣西南二十五里源出神仙洞西北流入閭

河漢中府志閭河源出連尖山金河神河壩河平頂河之水皆會焉北

流入漢縣志閭河從竹溪平利界來逕青山觀入縣境北流一百四

十里入漢江又金河在縣南七十里源出歪頭山西流六十里入

閭河又神河在縣南五十里源出范家山東流五十里入閭河又

孟家河在縣南三十五里即壩河也自平利界來納諸水東北流

合閭河縣冊

洵河 在縣東百二十步出自西北山流入漢江縣以是得名雍勝畧

旬陽縣北山旬水所出南入沔漢書地理志旬水北出旬山東南流逕

平陽戍下與直水枝津合又東南逕旬陽縣與柞水合又東南逕

旬陽南又東南注漢謂之旬口水經注○旬陽故城在縣北洵陽縣有洵水隋書

地理志源出鎮安之秦嶺南流入漢長八百里東西北三面遶縣治

潞洄可愛中多水磨唐浮休居士有賦縣志

乾祐河 即柞水在縣西北百四十里源自鎮安縣東北乾祐山來南流

合於洵河縣志柞水西出柞溪南流逕重崖堡西屈而東流逕其壑

南又東南注於旬水水經注

乾溪河一名麻坪河在縣西北發源獅子嶺流九十里至龍潭為麻坪河

又至乾溪鋪為乾谿河東南入洵水縣志

冷水河在縣北三十八里源出鵲嶺西南流入洵水縣志

蜀河即育溪水一作清在縣東百四十里出於秦嶺中洞河西岔河蓋其源

也南流逕閭關入漢江縣志○按此即清水漢水左得育溪與晉旬陽分界

於是谷水經注涓水在廢涓陽縣西一百步源自商州上津縣來東

南注於漢寰宇記洵陽縣有涓水九域志蜀河源自咸寧縣來南入於

漢雍大記西岔河在縣東北二百里源出西北山東南流入蜀河漢中府志

仙河在縣東百八十八里源自湖廣上津縣南流入漢雍勝畧自山

陽界流來逕縣境牛心石南流一百里至白河界入漢縣志

蓮花池在縣東西北各五里有池凡三不由浚鑿皆天成也相傳

花發年豐或邑士有登科之慶縣志

白河縣

鳳嶺一名繡屏山在縣西北環遶西南形如鳳翥故名雍勝畧繡屏山在縣

治西山頂舊有天池山腰即縣城東向層疊而下直抵東門又下

里許即清風澗其在此門外者為北岡又里許為金家坪縣志○按縣圖

則繡屏山即鳳嶺之別名也

印臺山一名南臺山在縣南一里層巒方正形如印臺故名又泰山在縣

東北一里前臨漢水後連北岡又縣東二里有靈應洞縣志

高家坪在縣西三里又縣西四十里有解家坪在麻虎溝縣志

羅漢洞在縣西五十里又縣西六十里有高墳子洞賈志

中華山在縣西七十里上有中華池四時不涸縣志

長岡山 在縣西九十里小冷水出此亦名長岡嶺縣志

大都山 在縣西百里其相近又有二峯山俱為冷水所經縣志

白崖 在縣西南三十里石磴盤紆望如積雪縣志

南竹山 在縣西南百二十里接湖廣竹山界大白石水出此縣志

五條嶺 在縣西南百八十里大冷水出此縣志

龍岡山 在縣南二里山勢起伏如龍縣志豐利縣有伏龍山唐書地理志

豐利故城在縣南 鄖鄉縣有伏龍山九域志按宋省縣入鄖鄉疑龍岡山即伏龍山也

廟山 在縣南三十里上有神泉旱禱有應縣志

聖母山 在縣南百里有廟今廢其北二十里為茅坪近白石河

多綠竹縣志 平頂山 在縣南百二十里接竹山界縣志

文筆峯 在縣東南三里孤峯聳削故名縣志

中公嶺 在縣東南百三十里小白石水出此縣志

紗帽山 在縣東三里山腰有井名溫泉井縣志

魁星山 在縣東北七里七峯連亘迤邐如北斗縣志按此山今屬鄖西境

附考錫義山在豐利縣東北六十里一名天心山元和志錫縣有錫義山方圓百里形如城四面有門上有石壇長十餘丈世傳列仙所居山高谷深多生薇蕨草其草有風不偃無風獨搖水經注錫縣故城在縣

東豐利縣有天心山隋書地理志鄖鄉縣有錫義山九域志山在鄖縣西

百八十里名勝志天柱山在鄖鄉縣錫義鄉去縣二百里山之左有

峯白天柱峯上有三石門輿地紀勝按天柱山疑即錫義山也今當屬鄖西境

漢水 在縣北三里自洵陽界流入又東流入鄖西為湖廣界縣圖漢

水又東為龍淵又東逕錫縣故城北為白石灘又東逕長利谷水經注

注漢水南去豐利縣二十里元和志月兒潭在縣西五十里即漢江

山 川 五

也滌廻澄澈有如秋月因名縣志詳見圖考

仙河即長利水在縣西北南流入漢圖上津縣有長利水亦名仙水西北

自豐陽縣流入豐利縣界寰宇記○上津縣今屬鄖西豐陽縣今屬山陽

崩頭溝水 在縣西百里其水北入漢江有崩頭石在漢水南岸接

洵陽界縣志

冷水河 在縣西南百六十里源出洵陽縣王鐵嶺北流去縣七十

里入漢江又馬庄河在縣西百二十里源出洵陽界棕溪嶺東流

入冷水河又小冷水河在縣西九十里源出長岡嶺西流入冷水

河縣志冷水河源出竹山縣界嶺下流西合漫水河又西合馬庄河

又東合小冷水河流一百六十里入漢江縣志

麒麟溝水 在縣西六十里源出陳家山北流入漢縣志

麻虎溝水 在縣西三十里北流入漢縣志

長春澗水 在縣西北一里源出龍岡兩崖花卉四時不絕故名長

春其水北入於漢又有洞賓澗在縣西北又有普澤泉在縣西北

一里左右各一穴居民日汲不竭又相近有普潤泉其水並流入

長春澗入於漢縣志

白石河 在縣西南二里縣圖漢水東逕錫縣故城北為白石灘水經注

白石河在縣西南百二十里源出竹山界東北流去縣二里入漢

江又小白石河在縣東南九十里亦出竹山界北流入白石河又

厚子河在縣南四十里北流入白石河又紅石河在縣東南八十

里源出漫營嶺至縣南十里西北流入白石河縣志白石河源出界

嶺小白石河源出申公嶺州志縣東一里為清風澗又有環碧池水

入焉又縣南十里有高名澗十五里有白崖澗二十里有凉水澗

其水俱流入白石河又縣南十五里有店子溝其水流入紅石河

冊縣

沙溝水 在縣東十五里其水入漢接鄖縣界志縣

天池 在縣南龍岡山上岡阜四起中陷一坪方半畝遇雨積流成

池不假人力志縣

涼水泉 在縣北里許炎暑其水如冰志縣

龍泉井 在縣東門外其水冬溫夏涼志縣

紫陽縣

神峯山 在縣治北數峯壁立如屏縣治枕其麓上常有雲氣志縣

滴水崖 在縣北十里怪石嶙峋崖上有洞洞有石龍吐水又有太

白池深不可測禱雨輒應志縣

七寶山 在縣北四十里七峯高聳故名志縣

鳳凰山 在縣北七十里接漢陰界疊聳十二層如鳳凰翔舞上多

仙跡志縣○又見漢陰縣

風洞山 在縣北七十五里孤峯插天山下有清泉志縣

團螺山 在縣西北六十里層巒旋繞如螺接西鄉界志縣

鄧都山 在縣西十五里峯巒秀出上有鄧都神祠禱雨輒應志縣

陳公巖一名鐵在縣西五十里舊名鐵緯灘南岸石崖數丈陡峻壁

立人不能行昔有鐵繩懸崖山溯流者挽之以行年久廢壞舟人

苦之順治十六年沔縣陳左叅安國募工鑿石開路因以名之志縣

鷄鳴坡 在縣西南六十里坡甚高相傳漢高祖微行至此聞鷄鳴

遂止雍勝土門堽在縣西南六十五里灌河內兩山夾峙叢林懸

崖儼若巨闕志縣

城墻嶺 在縣西南百二十里昔人緣山頂築墻以禦寇南北長百

三十餘里接漢陰縣界志縣○又見漢陰縣

觀音碕洞 在縣西南沿任河百二十五里懸崖高覆有天成石龍

俯首滴泉下生石瓶盛注不竭不溢洞中可容數十人縣志

二州堽州一作舟在縣西南百六十里為秦之金州蜀之達州接壤明正

德間於達州分建太平縣金州分建紫陽縣初於二州堽設戍防

守斷崖絕壁雄峙一方其上有播鼓石縣志

天馬山 在縣南二里山勢如馬騰驤故名雍勝畧

玉屏山 在縣南三里其相近有筆架山學宮之右面之有印臺山

學宮之左面之又甕山在漢江南岸其形如甕亦謂之甕兒山山

下有紫陽洞縣志洞在紫陽灘之涯洞有三各深丈許宋紫陽真人

張平叔修煉之所縣因以名雍勝畧

白崖洞 在縣南四十五里縣志沿汝河三十里懸崖峭壁竹木叢茂

上下二洞距五丈許洞中垂石乳滴水下有石筍承之形若雌雄

相顧四傍石紋如鱗次相傳為宋時仙隱處縣志

望夫山 在縣南九十里任水之濱其上有望夫石縣志一婦以夫從

戎朝夕登望後化為石圖書編

三尖山 在縣南百里林谷叢密明嘉靖間土寇李三結寨於此其

相近有木竹堽多竹木又有仙女洞洞門常有霞光五色相傳洞

中水溢時見有胡麻飯流出縣志

文筆峯 在縣東南八里一峯突起如筆賈志

香爐山 在縣東南十里有鐵香爐故名山巔雲起則雨人以為

候縣志

板廠山 在縣東南七十里順治六年巨寇孫守金據此十年始勦

平之縣志

目連山 在縣東南百里洞河內山下有目連洞俗傳目連和尚結

庵於此昔有人聞洞中樂音飄渺百卉異香今山半崩裂人跡罕

到縣志

光頭山 在縣東南百五十里接四川太平縣界山頂不生草木有

二穴極深下有龍洞石門三重內有石床人不敢近雲霧起則雨

縣志

三臺山 在縣東三十里山形疊聳其中有石洞龍泉又相近有三

十六峯羣峯簇擁為諸山冠木石巉巖中多虎豹又縣東三十五

里有冲天洞在汝河對岸懸崖中有石洞洞前有泉亦紫陽真人

修煉處縣志

漢水 在縣南門外自漢陰界東南流入又折而東入興安州界縣圖

漢水自逕寧都縣南又東逕魏興郡廣城縣又東得魚脯溪口舊

西城廣城二縣指此谷而分界也水經注○寧都縣今屬漢陰廣城故城在本縣東南西城縣今

屬興安州漢江自馬家營為縣界疎下為銅鑼二灣又東為草圈灘又

東為五溜子灘又東為龍王灘又東為石壁灘又東為鐵緯灘即

陳公崖也又東為官姑三灘又東為怯灘在縣西十五里水陡如

鬪又東為大力灘在縣西八里左右有石嘴為舟楫患又東為石

梁灘在縣西當任河口又東為紫陽二灘在縣治前又東為中宮

灘在縣東南一里極高險中流有柱石怒激如雷又東為長灘在

縣東四里近汝河灘不甚險商舶停集漁火絡繹又東為樓子灘

又東為柘瀆灘又東為石門灘接興安州界計流一百六十五里

又有鴛鴦石在縣西三里漢江南岸縣志石有雌雄之狀舊在洋縣

鴛鴦壩順流至此漁人識之名山記○詳見圖考

松河 在縣北八十里南流入漢縣志寧都縣治松溪口水經注○按此即指松河

林本河在縣北六十里又開河在縣北八十里皆西流入於松河

縣志

綿魚河 在縣西稍南六十里其水東流入於漢縣志五郎河在縣西

五十里右合白楊河左合漆園河二水皆流合於綿魚河縣志

沔峪河 在縣北三十里西流入漢縣志源出七寶山流三十里入漢

縣志

任河 在縣西南一里源出四川大寧縣流逕太平縣又至縣境北

流入漢崖路崎嶇通西蜀道板木結構多由此出縣志西南二十

五里任河有之灘橫石參差曲折如之字形故名州志

王瓜溪 在縣南九十里其水入任河縣志廣城縣治王谷谷道南出

巴獠水經注或曰王瓜即王谷之訛

灌河灌一作權在縣西南六十里源出縣西南金山谷有東西兩河俱流

入於任河俗又呼為權河蓋字誤也縣志

渚河渚一作褚在縣西二十五里源出西鄉縣印臺山東流合任水又小

石河在縣西北二十里南流合于渚河縣志渚河自團螺寨入境流

一百九十里入任河小石河源出猪頭山流一百二十里入渚河

縣志

顯鐘溝水 在縣南四十五里昔溝中水漲湧出巨鐘二口故名其

水東流入任河又瓦房溝水在縣西三十里其水北流入任河縣志

龍洞溝水 在縣南三里源出筆架山西流入漢又紫陽溝水源出

文筆峯北流入漢縣志

汝河 在縣東南三十八里有東西二源出於四川之界嶺北流入

漢縣志

洞河 在縣東南四十里亦有東西二源出於界嶺北流入漢縣志

石門溝水 在縣東四十五里其水入漢接興安州界縣志

嵩坪河 在縣東北五十里源出鳳凰山東流逕州界入漢縣志

廣濟泉 在縣城北縣志

石泉縣

雲霧山 在縣西北六十里上有佛殿佛座下有泉雲霧四時不散山因以名下有洞不甚高而深不可測歲旱祈禱投石於中即有風從洞出風止即雨縣志

枯柳洞 在縣北五里高一丈二尺洞門有石臺石爐中有石籩豆杯葷之類皆出天成洞有三梯緣梯而進旁有泉如碗傾耳聽之如雷穴深莫測賈志

五攢山 在縣北五十里上有五峯相聚亦謂之五攢嶺賈志

四方山 在縣北百里縣志

磨兒嶺 在縣西北百二十里嶺甚高險縣志嶺通子午谷為入省捷

徑其高入雲路屈折盤旋如轉磴故名縣志

關頭山 在縣西二里縣志

二郎洞 在縣西十里洞旁石上俗傳有觀音手膝印跡賈志

古源洞 古源一作鼓圓在縣西十五里平地突出大石方圓數畝有石澗數

道興仁堰水從此過崖鑄古源洞口四大字又壁間有金鈴崖縣志

縣西二十里有風洞投石則風起縣志

霹靂峯 在縣西三十里一峯插雲饒風河遶其下縣志

天池山 在縣西四十里自麓至頂二十里上有天池大可三四畝內產紅白二蓮若產金蒂則邑有祥瑞縣志

梅子嶺 在縣西五十里縣志

烟波洞 在縣西南六十五里縣志漢水之濱峻壁懸崖其下為洞深

不可測中有靈湫旱禱輒應相傳積薪洞口然之其烟透于天池

山下之小洞縣志

饒風嶺 在縣西七十里宋吳玠敗金兀朮兵於此縣志山下有饒風

河雍大記嶺南枕漢江與西鄉接界險峻倚天石徑盤紆為秦楚蜀

往來必由之路有關置此縣冊○又見西鄉縣

仙女洞 洞有二一在縣西百里山林深邃人跡罕及中有池方畝

許一在縣北七十里香爐溝崖上一石當門怪若龍頭洞中有蓮

花石盆禱雨輒應縣志

鷹嘴崖 在縣西南五十里近繒溪縣冊

父子嶺 在縣西南六十里縣冊相傳有父病死於此子亦哭死故名

縣志

仙鶴崖 在縣南二里漢江南岸縣冊相傳有雙白鶴集此因名縣志

十八盤山 在縣南五里漢江南岸賈志盤曲十八折乃達其巔雍勝畧

銀洞山 在縣南八里奇峯突兀高出雲表有銀礦明萬曆間遣內

使開採旋以百姓不便禁閉縣志

關家山 在縣南四十里又相近有太白山上有神洞禱雨輒應縣冊

關家山以山下居民多關姓因名其山縣志

青礪 在縣南六十里縣冊為南山一帶入縣總道縣志

手把崖 在縣南七十里近柳溪縣冊

魚洞 在縣南南山下不一其處每年穀雨洞中有魚簇擁而出土

人取之縣志

黃石山 在縣南百里其上有藥王殿縣志

堰頭山 在縣東南五里漢江南岸漢水逕此有灘曰滄灘縣冊

三台山 在縣東南五十里縣志

天平山天一作太在縣東南八十里漢江南岸其山高峻絕頂坦平約畝

許雍勝 香栢崖在縣東南八十里漢江南岸縣

馬嶺山 在縣東三十五里綿亘二十餘里路逕崎嶇紆迴盤繞行人如在天際縣

天竹嶺 在縣東北百里縣

附考石泉有真山輿地紀勝。今此山無考又按廢直城在石泉漢陰界而水經注有直谷縣境亦有直水則真山疑

即直山之訛也

漢水 在縣南五十步自西鄉界茶溪鎮流入又東入漢陰界縣

水自會洋水又東歷敖頭又東合直水又東逕直城水經注。直城今屬漢陰

石泉縣有漢江九域志。縣西四十里漢江中有洪石灘灘下百餘步

有閻王坂石崖陡峻鑿孔為路灘中石大水急舟行最險州志。詳見圖考

左溪水 在縣西南七十里漢江北南流入漢繒溪水在縣西南六

十里漢江南西北流入於漢縣

饒風河一名毛家河 在縣西五十里源自西鄉縣子午河分流逕土門關

東入漢州志源出饒風嶺之毛家河會蒲溪咎家河諸水逕饒風塘

自西而東行穿古源洞又至縣西合大壩珍珠兩河會於關頭山

口之白虎石入漢江縣

大壩河 在縣西十五里源出長安縣秦嶺合縣西北之龍洞溝南

流入漢州志源發縣西北之雲霧山眾泉湧出流至山根三十餘里

聚於龍洞溝東南流二十餘里會火帝嶺之紙房溝水至銀杏壩

為大壩河又逕銅阡峽流六十餘里又至縣西十五里合饒風河

南流入漢縣

珍珠河 在縣西三里源出雲霧山東北之馬蝗嶺南流又至縣西

會饒風河入漢縣

紅河 在縣東二里縣志兩岸沙石皆紅源出五攢嶺南流入漢雍勝

遲河遲一作池在縣東五十里自鎮安界流入賈志直水北出子午谷

岩嶺下又南枝分東注旬水又南逕蕤閣下又東南歷直谷逕直

城西而南流注漢水經注安康縣有直水魏書地形志○安康直水

源出永興軍乾祐縣弱嶺姜子關南流逕漢陰縣西又南注於漢

其北流當終南山子午谷路寰宇記○乾祐漢陰縣有直水九域

唐大曆間省遲河源自長安縣腰竹嶺來至蓮花石南入漢江相

傳此水易漲難退故名遲河其地沃衍雍勝畧○按此即直水

大柳溪 在縣南六十里小柳溪在縣南四十里其流俱入於漢縣志

富水河 在縣南一百二十里水大而險其流東北入於漢縣志

松樹溝 在縣西北三十里縣志溝有西南二處俱有大松合抱故名

縣志

黑溝 在縣南四十里縣志

香栢溝 在縣東南八十里香栢崖下縣志

草池 在縣西北二十里縣志池大十畝餘六月荷花最盛縣志

龍湫 在縣南五十里漢水南岸其深莫測旱禱有應縣志

石泉 在縣南五十步其泉清冽四時不涸縣以此名雍勝畧

附考梁武帝立晉昌郡治王水口寰宇記王水在縣西九域志○按

漢陰縣

鳳凰山一名龍子山在縣南二十五里漢中府志鳳凰山一名龍子山登嶂十

二層道書云山上有仙人藥園寰宇記南繞漢江東西二百餘里中

有峯似鳳因名又山頂有鳳凰池仙女池縣志

卧龍岡 在縣城北其形蜿蜒如龍又岡之後有長嘯崖崖之下有

朝陽洞洞之東有泉自崖畔流出名洗心泉縣志

尖山 在縣北十五里縣志

六面山 在縣北五十里又縣北六十里有雞公嘴縣志

箭竿山 在縣北七十里與州境羣山相接西枕青泥河山產箭竹

縣志

瘦驢嶺 在縣北九十里縣志

龍洞 在縣西北三十里洞甚深邃旱禱有應賈志

石門山 在縣西北四十里縣志兩山夾峙宛然如門縣志

橫山 在縣西北五十里右截羣山賈志

馬蝗山 在縣西北八十里又魚洞嶺在縣西北九十里又相近有

龍會嶺層峯疊嶂與鳳凰山相埒縣志

千佛洞 在縣西二十五里高粱鋪北縣志

分水嶺 在縣西三十里林木叢茂接石泉縣界縣志

石家山 在縣西南三十里縣志

煉丹崖 在縣南八十里擂鼓臺傍有黃龍洞相傳為黃龍禪師入

定處縣志

城墻嶺 在縣南百五十里俗名猪頭山接紫陽界縣志在漢江南五

十里舊城基猶存縣志

大懸崖 在縣東南十三里遊者頗多題詠縣志

雲門山 在縣東二十里山下有雲門寺雍勝畧

南陽洞 在縣東三十里澗池鋪北又玉皇洞在紅崖道傍又縣東

四十里蒲溪鋪南有湘子洞縣志邑東三十里許曰丹崖峭壁孤懸

有古洞三惟臨堤一洞猶可攀援其中及最上者路懸一綫下視

千仞登者難之陳典丹崖洞記○按丹崖即紅崖則丹崖洞即玉皇洞也縣志○按賈志

雙乳山 在縣東六十里兩峯突起形若雙乳縣志○按賈志

月嶺山 在縣東六十里漢中府志梁門山在縣東八十里梁將王神念

開拓州境以梁門為之門月川水出此元和志月嶺山有溪出焉名

曰月水賈志○按此則月嶺山疑即梁門山也

黑龍洞 在縣東北百里洞甚深邃縣志

漢水 在縣南九十里白石泉界流入又東南流入紫陽界縣圖漢水

自合直水又東逕直城南又東逕千渡而至蝦蟆嶺歷漢陽灑口

而屆於彭溪龍竈並溪澗灘磧之名也又東逕晉昌郡之寧都縣

南水經注○詳見圖考直城故城在縣西寧都故城在縣東南

沙河 在縣西北六十里源出縣北石谷埡流入石泉縣境合於渾

河縣志

富水河 在縣西南白石泉縣流來東北流入於漢縣冊

大漲河 在縣西南四十里源出石家山南流至渭子溪入漢縣冊

月河即月川水在縣西百步賈志漢陰西有月川水唐書地理志月川水出縣東

梁門山元和志月河源出月嶺山東流入州界注漢江通志明成化間

月河水漲壞民廬舍遷民居於水西築隄障之州志源出分水嶺有

仙溪河在縣西南十五里又墩溪河在縣西南五里又板峪河在

縣南五里又盧峪溝在縣東南八里鐵溪溝在縣東南十里龍王

溝在縣東南三十里蒲溪河在縣東南四十里花石河在縣東南

五十里並出鳳凰山北流入於月河又沐浴河在縣西北十五里

觀音河在縣西北三里池龍溝在縣東北五里青泥河在縣北十

里鐘河在縣北六十里田禾溝在縣東北五十里雙乳溝在縣東

北六十里並自北山南流入月河而觀音河青泥河鐘河之流為

大縣志觀音河源出馬蝗山南流入月河又青泥河源出龍會嶺逕

縣西北馬蝗山南流迤東南一百五十里又鐘河發源縣北瘦驢

嶺南流逕紅崖寺西小峽計二百五十里至三清觀與青泥河會
一名添水河又逕縣東偏南流六十里至雲門鋪入月河縣志
恒河 在縣東二十五里北岸有古之淘金場雍大記其水流入興安
界入月河縣志

天池 在縣南百二十里漢江南縣志

蓮花池 在縣東二十里雲門鋪古產並頭瑞蓮縣志

甘泉 在縣治內城隍廟前邑令張大綸鑿又神泉在縣治內關聖
廟前邑令丁珣鑿縣志

一碗泉 在縣南四十里縣志在鳳凰山南清冽可飲縣志

涼泉 在縣東六十里縣志其泉清冽夏月飲之冷澣人齒如冰雍勝畧

附考小漆河在縣西百五十里縣志○按縣西即石泉境而此水兩縣俱無考

商州

金鳳山一名鳳山在州北里許州之主山也其西二里許曰鳳凰原上

有卧牛臺州志相傳為邵康節章子厚玩牡丹處縣志

黃沙嶺 在州北二十里石徑蜿蜒為入都通衢嶺上有馬跑泉水

湧不竭行旅便之州志

馬鞍山 在州北三十里以形似名其相近有肱膊峪州志

安山即清池山在州北五十五里山下有紫榆澗清池水出焉蓋即清池

山也州志清池水東北出清池山水經注

文昌山 在州北六十里泉村鎮東北山上有文昌祠又二義山在

鎮西北上有關趙祠明時結寨於此鎮之右又有泉山其下多甘

泉州志

扶斗山 在州北七十里孤峯峭拔大黃川出此其相近有紫峪又

有紅土嶺出紅土可飾丹堊又有黃土嶺州志

朝峪嶺 在州北八十里嶺之下有朝峪道出華州其相近有藥子

嶺相傳為真人韋善俊種藥處與維南縣分界州志

馬脚山一名小華山在州北百里一名小華山石山壁立四面如削巖下

一穴上出約七八丈登者以木攀援而上出穴口上有兩峯峽中

細水下瀉樹多松栢榦栗奇險天設昔多避兵於此州志

大雲山一名戴雲峯在州西北十五里州之鎮也俗呼為棚刀山上

有元帝廟其後有戴雲洞可避兵州志一名戴雲峯以欲雨先雲而

名賈志

霍家洞 在州西北二十里由胭脂關北三里許河東岸一山突起

西向一穴有井深丈餘踰井而過裏寬若數間屋中有兩岔石徑

不盈尺躡行百餘步一穴向下以木梯度之左右前後巖穴可棲

者數十百處明季土人避兵其中賊不能害州志

木瓜嶺 在州西北五十里又州西北六十里有元武山在大荆集

西州志

楊十萬山 在州西北八十里泉村鎮西北州志山在乾溝北山上一

穴大如斗有泉流注大河每穀雨時有魚千萬擁擠而出山多異

石有色似太湖者又有聲清越似靈壁者但不可多得其相近有

大小韓峪州志

冢嶺山即謹舉山一名高猪山在州西北百二十里明一統志丹水出上維冢嶺山

又洛水出上洛縣謹舉山地理志曰洛出冢嶺山山海經曰出上

洛西山水經注○按陸澄云冢嶺山即謹舉山也大抵州西北百

北其實本一山也賈志云在州南六十里誤又見維南縣

竹山 在州西北二百里山多產竹故名雍勝丹水出西北竹山

注○按州志秦嶺昌黎祠下舊稱竹山即秦嶺第九山有息邪澗丹水所出今考出息邪澗者即本州至浙入洵之丹水也出竹山者乃洛南入洛之丹水也考水經注則二水源流迥別自說者指息邪澗為竹山而二丹水之源遂混然竹山在州西北二百里而華州渭南交界適當其地意竹山當即渭南之箭峪而息邪澗為冢嶺下之澗愈無疑矣

鷓鴣嶺 在州西五里其相近有構峪峪中有洞為昔人避兵處州志

西巖山 在州西十里與仙娥峯對其麓有西巖洞古稱棲真之地

又有說法洞古傳祖師說法於此時五鬼竊聽故旁有五鬼窰又

仙娥峯一名吸秀山亂山中特起一峯下臨丹江謂之仙娥溪州志

商山無數峯獨愛仙娥好唐白居易詩

野人峪一名仙人溝在州西三十里林谷深僻一名仙人溝又州西三十

五里為暘峪通磁窰州志秦末避亂人多居此故名野人峪又為唐

董景道隱處賈志

熊耳山 在州西四十里雍勝止洛縣有熊耳山隋書地理志山在上洛

縣西四十里齊桓公登之以望江漢括地志兩峯插漢以形似名又

州西五十里有香爐山州志○按州屬熊耳山有二一在州西一

屬古上洛地而洛水所經則維南之熊耳非州之熊耳也乃賈志

云州熊耳為伊水所出是誤指此熊耳為維南之熊耳矣考水經

注伊水自熊耳東北逕鸞川亭又河南通志云伊水出盧氏恐頓

嶺則是熊耳西為維南東為盧氏壤界雖接而伊水亦不出維南

境也恐賈志貽誤故特辨之

鷄頭山 在州西六十里與熊耳山相對山半有鷄精洞又相近有

白石山山多苦竹州人器用資之其相近又有泥峪州志

白龍洞 在州西九十里近藍田界州志在紅崖寨山中洞口如甕燃

炬而進膝行里許有石室一區後壁一池如斗大禱雨輒應雖盛

暑其冷如冬非旱極不敢入州志

秦嶺 在州西百里朝陽洞玉皇洞雷神洞並在其後又其下有黑龍峪相傳漢高祖入關分二道一出藍田一由此州志上洛縣甲水

出秦嶺山漢書地理志上洛縣有秦嶺山隋書地理志高九百五十丈寰宇記

東西亘八百里嶺根水北流入渭號為八百秦川亦即丹水所出

三秦記嶺北為秦南為漢王氏通釋在州西北與藍田接界唐韓愈南遷

經此嶺上有祠雍勝畧

高車山高一作膏車一作東誤在州西南五里賈志楚水東逕高車嶺

南水經注高車山上有四皓碑及祠皆漢惠帝所立高后使張良以

駟馬高車迎四皓於此故名寰宇記南過膏車嶺川源似掌平宋王禹偁

詩山在乳水北岸兩峯如駝俗名駝峯又名雙奶山土中嘗得矢

鏃蓋古屯兵處又相近為馬蘭峪州志逾丹水有馬蘭谷禹貢錐指

土地嶺 在州西南二十里其東有昆盧殿西有天妃祠其相近有

五峪麥常早熟又州西南三十里有羊峪州志

軍嶺 在州西南四十里其地名秦王城相傳為秦王屯軍處州志

安武山即青泥西山在州西南五十里關柵水所出縣志關柵水出上洛陽

亭縣北青泥西山水經注按此蓋即安武山也陽亭縣今屬山陽

黑山 在州西南六十里其石如墨又相近曰石倒峪多美木曰赤

水峪多松州志

秦望山即良餘山俗名秦王山在州西南九十里即良餘山俗訛為秦王山州志

良餘之山乳水出於其陽山海經山西南有花水峯亦四皓隱處西志

蛾眉山 在州南一里又南一里有文筆山舊名文屏山山對學宮

知州張極建有三塔東連三台山山對鎮遠門其形三疊首西尾

東亦名龜山以形似名其中有水月洞又丹崖山在州南丹水南

岸山皆赤壁州志

南秦嶺 在州南二里過嶺為南秦川又州南三十里為竹竿嶺其

勢峻削州志宋邵雍寓此詩云南秦地暖花開早比至春來已數番

馬志

天柱山 在州南五里宋邵雍最愛此山因卜居於此其相近有劉

峪又州南八里有小劉峪多花卉州志

樓山 在州南五十里其北有劉嶺一名流嶺為唐高太素隱居舊

有澄心亭積翠樓凝碧池六逍遙館今皆蕪廢又西南有桐谷寫

川州志

高礪山一名鬼門關在州南八十里巨石壁立左右如門去地數十仞行

者如躡半空號曰鬼門州志鬼門在州南深溝陡澗巨石壁立如門

中穿行路澗上高崖萬仞插天下極幽險雍大記

鷄籠山 在州東南三里古立寨處今猶稱鷄籠寨州志

武山 在州東南九十里西安府志

白陽山 在州東南二百九十里又南為石巖砦與商南接界州志

龍山 在州東五里丹水北岸又州東七里有觀音山石崖中有菩

薩洞水泉甘美州志觀音山北與龍山相對州冊

爬樓山 在州東二十里為城東捍蔽山傍有蓮花池肇峪武婆泉

州志

亢峪 在州東三十里西安府志余受檄檢踏熅炭自黃沙嶺並山東行

經白谷越大小亢抵鬱隸石門諸谷而還宋雍方賢熅炭碑山有大亢小

亢兩峪又州東四十里有蒲峪又州東四十五里有諸天洞在洛

原銅佛龕怪石壁立中有水清甘可飲仰蔭飛巖俯臨丹水其地

可避暑州志

燕子山一名燕龕在州東五十里襄王溝上有龕高百尺兩山相合昔

土人傍山鑿礪避兵其內可容六十餘戶以元鳥冬多蟄此又名

燕子龕迤南百餘步為鷓崖山兩山壁立高數百仞土人鑿石為路路絕處懸梯以躋約百丈得巖穴亦可容五十戶皆昔之避兵處其相近又有澗峪恨峪州志

棣花山 在州東七十里以地多棣花而名山之內有東暘洞其相近又有羅漢山山有羅漢洞丹崖壁立高數十丈下臨丹水明末土人鑿棧道避兵其中左右亦有數小洞相近又有老君峪俗傳為老子騎青牛過此有路通維南又州東七十五里有朝陽山俗

名兩嶺子州志

商山 即商阪一名地肺山一名楚山一名在州東八十里 州志 蘇秦說

韓宣惠王曰西有商阪之塞戰國策 商阪即商山在商洛縣南一里

正義 商洛南山曰商山又名地肺山亦名楚山帝王世紀 秦始皇時

四皓共避世於商山高士傳 商阪在商洛間適秦楚之險塞史記 山

南道名山曰商山唐六代 商山包楚鄧王維詩 一名商谷山四皓仙人

隱處雲笈七籤 七盤十二緹即商山嶺也王氏通釋 商州上洛縣有商山其

地一名商洛山後人名四皓隱處為智亭山名山記 商山一名楚山

形如商字湯以為國號郡以為名雍勝畧 自乳水之南山皆曰楚山

自劉峪口以下丹水之南山亦皆曰楚山又州東八十里有洛峪

又州東九十里有大峪背峪州志

鷄冠山 在州東百里峯巒攢簇為龍駒寨主山山有千佛洞七星

洞州志 山有紫陽洞真人張伯端修煉處馬志

伯牙山 伯牙一作白鷗 在州東百里聳拔紆折俗呼為白鷗山相傳昔有樵

子刈薪其上隱隱聞絃聲尋之不得明末有好事者陟山巔得

斲碣于敗葉中鐫伯牙二字大如斗意昔牙嘗遊此而後人因以

名其山歟又相近有江流嶺在龍駒寨商賈往維南者路多由此

又相近有漢峪州志

資峪嶺即菟和山在州東百十里州志哀公四年楚人臨上洛左師軍於菟

和左傳山在上洛縣東杜注上洛縣有菟和山漢書地理志丹水自倉野東

歷菟和山水經注今商州東有菟和山通襄漢之道馬志資峪嶺即菟

和山或曰資峪菟和之南嶺也其相近有紅崖洞州志

長岡嶺 在州東百三十里商南山陽二縣接界又州東百五十里

有鐵峪又州東百六十里有新開嶺為武關西障州志

武關山即少習山在州東百八十里賈志哀公四年楚左司馬使謂陰地大

夫士蔑曰晉楚之盟好惡同之不然將通於少習以聽命左傳少習

商縣武關也在今商州東少習山下故亦名少習杜預注商縣故城在州東

山道險阨北接高山南臨絕壑為自楚入秦要隘又相近有吊橋嶺俗呼第一條嶺為武關東障嶺上與商南分界州志

東巖山 在州東北三里有大小趙峪循峪而入有山曰東巖以對

仙娥溪北之西巖而名有水曰東溪相傳為唐李白僑寓處州志

困石山 在州東北十五里盤曲如困巖阿深邃為昔人隱逸之地

其北有中阜山俗名為北山州志

石龍洞 在州東北四十里由十九河溯流而上有山嵯峨下嵌一

洞方廣約五六丈中有石龍十數頭奇巧天成鱗角爪牙宛出人

工有伏而寢者偃而舒者俯而飲者仰而吸者鬪者舞者蟠曲似

蟄者獨一龍昂首欲飛口中有液滴成小湫每禱雨以瓶承領下

但得一滴瓶即滿行不數里輒大雷雨否則終日不獲一滴蓋視

人意之虔否也州志

五峯山 在州東北七十里又州東北九十里有孤山接商南界州志

鐵洞嶺 在州東北百八十里山多產鐵與雒南盧氏接界又有分

水嶺南水入丹北水入洛故名州志

牧護關水 在州西百二十里源出秦嶺西流入藍田界即灞水上

源州志

金井河即甲水 在州西南源出秦嶺納東西牛槽水入鎮安界賈志上洛

縣甲水出秦嶺山東南至錫入沔過郡三行五百七十里漢書地理志

錫縣今屬白河界 甲水出秦嶺東南流逕金井城水經注牛槽川在州西南

八十里西牛槽水自嶺北入石倒峪東牛槽水自嶺北入赤水峪

南流注金井河州志

色河即關柎水一名安武水 在州西南五十里州志源出安武山又名關柎色河

南流入山陽界州志關柎水出上洛陽亭縣北青泥西山南流逕陽

亭水經注

丹水今名州河一名大商源河又名麻澗河又名仙娥溪又名白楊河又名洛源河又名高橋河又名棣花河 在州南一

里源出州西北東南入商南界州圖丹水出上洛縣冢嶺山東南流

與清池水合又東南過其縣南楚水注之又自倉野東歷菟和山

又東南過商縣南又東南歷少習出武關又東南入白口水經注上

洛縣有丹水魏書地形志丹水出秦嶺之息邪澗亦曰州河又州西七

十里曰大商源河四十里曰麻澗河在熊耳峯下山澗環抱厥地

宜麻十里曰仙娥溪一名西巖溪在仙娥峯下水南有桃花溪唐

李白白居易宋王禹偁裴大亮曾泛舟賦詩於此皆丹水經流之

地又月兒潭在州東百十五里唐崔湜謂可通輓輸即此州志水心

舊有巨石難通舟楫名月兒灘萬曆中丹水暴漲沙壅灘平水道

便之賈志丹江至州東四十里為白楊河又東十里為洛源河又東

十里為高橋河又東十里為棣花河自發源至出境計二百七十

里州冊詳見圖考

黑龍峪水 在州西八十里源出藍田縣境南流入州河州志

洪門河即韓峪川 在州西七十五里自韓峪川來南入州河州志

泥峪河 在州西五十五里其相近又有蒲岔溝水合流東北入州

河州志

水道河即清池水 在州西二十里州圖清池水源東北出清池山西南流入

丹水水經注 州北荆水有二源曰大荆川西荆川南流合為一東南

逕州西北之上板橋與泉水合謂之水道河又泉水在州北七十

里源出泉村集其水逕集北馬角輞峪至上板橋合荆水又有大

黃川小黃川紫峪河三水合流至娘娘廟入泉水又有岔口河在

州北四十里源出藥子嶺合閻家店諸水至岔口舖入泉水又桃

岔河在州北三十五里自萬家山來至馬鞍寺入荆水小桃岔河

在州北三十里至下板橋入荆水又十九河在州北二十五里自

洛南松朶山銀厰溝來至黃沙嶺入荆泉二水並歸於水道河經

州西二十里入丹水州志

構峪河 在州西八里南入州河州志

東溪水 在州東北五里南流入丹水州圖

乳水即楚水又名南秦川秦一作靜 在縣南五里州圖楚水出上洛縣西南楚山其水

兩源合於四皓廟東又東逕高車嶺南翼帶眾流北轉入丹水水經注

注上洛縣有南秦水魏書地志南靜川在商州之南二三里平如掌

居人百餘家秋來一川紅葉又有小桃細竹夾水而生王禹偁小畜集自註

○按此即南秦川也乳水即楚水也源出秦望山其色如乳自黃龍廟口至

土門其渡凡七名七渡河又東經南秦嶺下名南秦川又東北至

三台山東入於丹水又有黃栢岔水自安溝嶺來至秦望山合乳

水又有軍嶺川水在州西南三十里東流合乳水又相近有上秦

川自白石山來逕土地嶺南至全家灣七渡河入乳水又有五峪河在州西南二十里自任家坡西逕土地嶺入乳水又有楚水在州南五里源出楚山北流入乳水蓋楚水別源也舊志楚水有二源此其東源也州志

流峪水流一作劉在州南二十里源出流嶺南石底為大流峪水又寬平鋪以下之水亦從流峪口出合流北入丹水州志

張峪河 在州東十五里州志源出張峪其水北流入丹水州志

亢峪河 在州東二十里州志源出亢峪南流入丹水州志

張村河 在州東三十里其北有小石門水又下五里曰池河灣州志

大張家河 在州東四十里自北山古峯寺分流南入丹水州志

龍潭水 在州東四十三里源出州東南五十里仰天池北流入丹水

水其一派分流入山陽界州志

會峪河 在州東四十五里洛源之東南流合於丹水州志

澗峪河 在州東五十五里水自嶺上分為三流其北流入於州河

西流經君子澗東流通馬鹿坪並入山陽境州志

恨峪河 在州東八十里自嶺上分水一入雒南境一南流入州河

州志

洛峪河 在州東八十里北流入丹水州志

老君河 在州東八十里南流入丹水州志

大峪河即商洛川在州東九十里商洛鎮南北流入丹水州志商洛川在商

洛縣東南八里寰宇記

龍駒寨河一名背峪河在州東百里南流入丹水襄漢舟楫皆集於此其

南為百頃灣州志

湧峪河 在州東龍駒寨東北流入丹水州志

資峪河 在州北百二十里源分二流一北入維南境一南經資峪

鋪下十里入丹水州志

鐵峪河 在州東百五十里自鐵峪鋪南紆迴流至周家崖合丹水

州志

武關河 在州東百八十里東流至商南畢家灣入丹水州志

魚官潭 俗名魚姑臺 在州西北去泉村二十里俗訛為魚姑臺州志

鹿池 在州東百十八里去月兒潭三里傳有白鹿飲此水見人化

去州志

花園泉 在城內西南隅郡人治以為園種蓮畜魚游釣其中又鑿

渠由東而南出水門入州河又官井在文廟前泮池味甘水盛旱

亦不涸又五龍泉在西關龍王廟前泉水迸湧其味清甘或以為

與江南惠泉相伯仲又以禱雨有應立碑號甘雨泉州志

文泉 在州城北啓秀閣前又少峪泉在閣東西平泉在大雲寺西

合黃沙溪水入城中西安府志慈泉在州西大雲寺南其源甚盛味亦

甘美州志

郝家泉 在州東一里可時園蔬又有石佛灣泉在城東姚家嶮與

郝家泉相近州志

泉山泉 在州西北泉村集泉山首尾有泉凡二十餘處最佳者三

一在上寺西麓一在玉皇廟後一在寇家村此泉尤奇石上一窠

天成可容三四斗其水常滿既供取汲餘猶瀉注大河且味甘美

權之重於他水泉村之得名以此州志

壽泉 在州南十里官路傍白居易有詩州志

觀音泉 在州東十五里上有古觀音寺西安府志

龍泉觀井 在州東七十里棗花鎮州志

鎮安縣

都家嶺 在縣北五里志嶺勢嵯峨為縣之主山西安府志

長陵山 在縣北二十里巖岫聯綿故名志在乾祐縣東七十五里

長安志○乾祐故城在縣北屢徙

白巖山 在縣北三十里紙橋寨有天仙洞祈雨輒應其相近有徐

家坪縣志

石馬山 在縣北四十里有石如馬西安府志

圪陡嶺一作塔在縣北四十五里其相近有百神洞洞有神水祈雨者

取於此縣志

對峯 在縣北六十里乾祐河側兩峯聳峙下有洞相傳明代中葉

吼聲三日忽劃為兩中有神水祈雨輒應縣志

蘊谷 在縣北七十里縣志在乾祐縣西南七里寰宇記

賽秦嶺 在縣北七十里高峻與秦嶺埒故名縣志

車輪山 在縣北八十里其水流為鎮安河又相近有野猪坪即舊

乾祐治也縣志車輪山在乾祐縣南五里長安志

天書山 在縣北八十里宋真宗時知永興軍寇準得天書於乾祐

山中即此賈志

考山 在縣北百七十里西安府志在乾祐縣北七十里蘊水出此長安志

縣北二百里曹家坪縣志

栗園寨山 在縣西北八十里鎮安河出此其相近又有西王峪嶺

與咸寧接界縣志唐末縣嘗治此長安志

旬山 在縣西北縣圖旬水北出旬山水經注洵河源出長安縣界秦嶺

長安志

烟墩嶺 在縣西二里其嶺高峻有古烟墩遺址縣志

金雞原 在縣西二十里又縣西二十五里有木瓜原西安府志

聖燈崖一名聖燈龕 在縣西三十里雲蓋寺側相傳每良夜輒見一燈出

崖畔俄散為七八既復合一賈縣志 西三十里有白龍洞又縣西三

十五里有白侍郎洞相傳白居易賈島遊此今洞口有二人問答

詩縣志

香爐山 在縣西四十里以形似名其相近有雲蓋嶺下有雲蓋寺

相傳為唐賈島所居縣志

翟家嶺 在縣西七十五里又縣西八十里有馬尾山又縣西百七

十里為魔王坪縣志

蒿坪嶺 在縣西南三十里西安府志

靈龜山一名龜兒山 在縣西南八十里俗名龜兒山又縣西南百里為花

蛇坪縣志

筍竹原 在縣西南百三十里西安府志

紗帽山 在縣南三里以形似名又縣南五十里為上茅坪縣志

青峯 在縣南七十里以山色葱蒨名其下有鎮又縣南百五十里

有蔡家嶺縣冊

楸林嶺 在縣東南七十里又縣東南百里有石驢山又縣東南百

二十里有松樹嶺西安府志 石驢山在乾祐縣東南百八十里石狀

如驢長安志

北陽山 在縣東南百五十里內有石洞與楚之上津接界又相近

有南陽山相傳漢張良寓此中有子房洞縣志

朝羊洞 在縣東五里有神羊來朝洞口故名內可容數百人昔多

避兵於此其對面有魚洞又相近有海棠原縣志

分水嶺 在縣東五十里嶺有水東西分流其相近為寬坪西安府志

雲夢山 在縣東七十里時有雲氣覆其上縣志

重崖山 在縣東八十里以崖谷重疊名賈志山之相近者有石瓮嶺

其路通馬鹿坪巖下形如石瓮水湧石激如雷名為七里峽又相

近有觀音洞在巖屋寨下又相近有水洞坪縣志

秦王洞 在縣東百里白塔寨下縣志

金家嶺 在縣東百十里其相近有香山洞在米糧川上昔之避兵

處縣志

高橋馬嶺 在縣東百二十里與山陽接界西安府志

石壁嶺 在縣東北五里與都家碛相對形勢峭立下有魚洞通乾

祐河其深莫測洞口流泉噴瀑每歲霜降游魚泝流入洞至穀雨

後水發魚逐隊出居人截洞口得之其味頗佳擬諸丙穴云又相

近有祝家嶺縣志

夢谷山 在縣東北三十里又縣東北八十里有赤脚坪縣志夢谷山

在乾祐縣東南其山崇峻常有雲起長安志

平頂山 在縣東北百里山高頂平故名西安府志

西采谷 在縣東北百五十里與藍田接界其東又有東采谷縣冊

遲河即直水一名東池河在縣西南百八十里一名東池河下流入石泉界縣冊

直水源出永興軍乾祐縣弱嶺姜子關水經注池河源出長安縣腰

竹嶺石泉縣志

月河 在縣西南九十里下流入漢陰界西安府志

洵河 在縣西南七十里自長安界入境又流入洵陽界縣圖旬陽縣

北山旬水所出漢書地理志旬水北出山東南流逕平陽戍下與直

水枝津會又東南逕旬陽縣水經注豐陽縣有洵水隋書地理志○

地洵河在乾祐縣西南百里出萬年長安兩縣界秦嶺下東南流

入洵陽縣長安志○萬年洵河源出長安縣江口至盧家寺入縣

境又經沙溝口東竹溝大寨溝至洵陽之兩河關與乾祐河合自

西北而東南至出境計流四百里縣

孝義川一作校尉川在縣西百里西安府志源出咸寧縣沙嶺一名校尉川至

川口入洵河縣

小任河 在縣西南八十里源出米糧寺逕霸王灘入洵河縣

大任河 在縣南百里西安府志源出張家坪流入洵陽界入洵河縣

乾祐河一作柞水在縣東三里以舊縣名馬志柞水西出柞溪南流逕重

崖堡西東流水經注柞水在乾祐縣東五里出萬年縣界秦嶺下流

入洵陽又蘊水在乾祐縣西南七里出考山下流入柞河長安志乾

祐河源出咸寧界秦嶺至舊縣關入縣境流逕野猪坪石瓮子徐

家坪上茅坪青銅關梅花鋪至洵陽之兩河關合洵水凡三百三

十里又有溫水河在縣西北九十里即蘊水也東南流入乾祐河

又紙橋溝水在縣北三十里其水入乾祐河縣

鎮安河俗名縣河一名雲蓋川在縣城南源出西王峪逕雲蓋寺名雲蓋川又

逕縣西四十里營兒寨又逕縣南之舊寺入乾祐河計流八十五

里縣

冷水河 在縣東七十五里西安府志源出龍渠川至洵陽縣與乾祐河

合又永安川在縣東六十里黃龍鋪源出分水嶺流入冷水河縣

草家川 在縣南百五十里縣志源出東茅坪嶺流至洵陽入乾祐河

縣

金井河即甲水一名合在縣東北百十里一名安樂川自商州流入

縣境又東南入山陽界縣圖甲水流歷金井城南又東南經上庸郡

北與關柎水合水經注豐陽縣有甲水隋書地理志金井河在縣東北即

甲水也亦名合河賈志金井河源出咸寧豐家河至孟李寨入縣境

一名安樂川經柴家寨至山陽與葛河合凡流三百里縣志

社川河 在縣東北百里西安府志源出馬兒峽至孟李寨入金井河縣志

花水河 在縣東南九十里石磴數十級水激浪湧如花東流注

於山陽之合河賈志源出水峽溝東南流至縣東南八十里為米糧

川又下流為花水河入山陽界又秋林川在縣東八十里源出石

瓮嶺一名巖屋河又下流為秋林川合於花水河縣志

龍洞川 在縣東南八十里西安府志其水入鄖西界縣志

暉斗潭 在縣東南百里西安府志

青山溝 在縣南三里有龍洞禱雨取水於此縣志

攔馬壕 在縣東三十里縣志

活水泉 在儒學北西安府志

瀑布泉 在縣西四十里水自懸崖瀉出有若飛練馬志

凉水井 在縣南十五里西安府志

龍眼泉 在縣東隆興寺前西安府志

琵琶泉 在縣東百里西安府志

雜南縣

冢嶺山 即驪舉山一名秦嶺山 在縣西北八十五里寰宇記謹舉之山洛水出焉

山海經洛水出冢嶺山漢書地理志洛水出上洛謹舉山水經注縣在

洛南縣有冢嶺山杜氏通典冢嶺山在洛南縣西七十里陸澄曰即謹

舉山也王氏通釋秦嶺在縣北橫亘三百里自嶢山入縣界則名秦嶺

嶺陰即太華稍東即潼關重峯疊嶂自縣西抵北而東為洛水發

源處即冢嶺山矣縣志亦見商州 縣西北八十五里有張家坪馬志

燕子山 在縣城北縣址枕其上山勢壁立環繞而西與梁原山岡

隴相接即梁原之首也又梁原山在縣城西縣境諸山多怪石不堪耕治獨此山可田縣志

狀頭山 在縣西南里許秀甲諸山又縣西南二里有饅頭山出五色石西安府志狀頭山迤邐而東為邑近案上建三浮屠縣志

孤山 在縣北十五里周圍平地獨此孤峯壁立故名又相近有鷓兒崖山形似鷓屹立故名西安府志

書堂山 在縣北二十里相傳張良從赤松子遊隱於此山有二洞舊嘗聞仙樂有逐鹿者入山聞石屋中書聲琅琅屋東桃花一株

盛開時正冬寒大雪獵者疑之因以刀刻桃樹為記明日復往石屋桃樹俱無滿山樹木皆刀刻痕矣雍勝畧山為邑之主峯迥出獨

尊俯視境內山巔奇石峩峩與太華相望山之陽為萬壽宮明真人孫碧雲藏修處又縣北三十里有麻坪縣志

黃龍山 在縣北九十里山頂有礦洞招集外奸極為民害嘉靖八年填塞民始安洞口多五色石相傳為黃帝鼎成龍降處土人祀

之有路通華州縣志香山 在縣北百里縣志相傳為仙人王子喬隱處其下有太子坪縣志

陽虛山虛一作靈在縣西北百里古云倉頡造書於此雍勝畧陽虛之山臨於元扈之水山海經河圖玉版曰倉頡為帝南巡登陽虛之山臨於

元扈洛汭之水靈龜負書丹甲青文以授之水經注洛南縣有陽靈山隋書地理志按山前有黑潭潭上有古字不可辨賈志陽虛山

在洛水北縣志元扈山 在縣西北百里寰宇記自鹿蹄之山以至元扈之山凡九山

水經注按九山謂鹿蹄驩舉冢嶺竹山發戶良餘靈尾陽虛元扈也黃帝坐於元扈之閣河圖帝在

元扈閣上與大司馬容光左右輔周昌等百二十人臨之鳳銜圖

至帝前黃玉為匣署曰黃帝詔司命集帝行錄開之其文可曉黃帝

錄帝齋宮中坐元扈鳳止東閣帝王世紀元扈者石室也臨洛水今商

之上洛南有元扈山史路山在洛水南與陽虛對峙縣志

白花嶺 在縣西北百里縣志嶺之西為和尚溝又西為階峪和尚溝

之下為金堆城其西為東西桃坪縣志桃坪在縣西九十里馬志

魏坡 在縣西二十里馬志

羚羊山 在縣西四十里西安府志

呼雷山 在縣西南五里天雨雷鳴此山聞近故名西安府志

藥子嶺 在縣西南二十里與本州分界舊傳唐真人韋善俊種藥於此其墓尚存西安府志

松朶山 在縣西南九十里產銀錫舊為州境所攘奸民匿其中兩

不得詰明萬曆中清釐疆界復歸本縣洞始塞縣志

鳳凰山一名馬驥山 在縣南五星秀峙雄展有翅翔之勢俗又名馬驥山

龍山 在縣南十里上有浮圖山之東有希夷洞亦名藏修洞相傳

為宋陳搏隱處有石林石枕遺跡縣志

中幹山一名莽嶺 在縣南五十里由冢嶺發脉蜿蜒南繞盡縣之境高幾

與秦嶺埒俗名為莽嶺縣志莽嶺在縣南八十里縣志

兌山一名九龍山 在縣東南三十里當故縣之西故名又名九龍山縣志

寶山 在縣東南四十里即上洛舊址縣志

頁山 在縣東南五十里故縣川之水北流經此西折入洛其下有

石青洞今皆積水下徹重泉窅然不可復窺縣志石青洞亦名青綠

洞西安府志

西紅崖 在縣東南五十里又其東為東紅崖西安府志兩山高拔石色

畫赤崖之麓有宋阜民錢冶又崖之中有老君峪相傳老子入西
谷嘗過此今石上有青牛足跡土人廟祀之志老君峪有路通武

關馬志

三要山 在縣東南六十里南出青草河可通武關東出即盧氏之

孔道北望闕靈皆有捷徑因名三要明設巡檢於此志要水出二

要山水經注山之相近者有武平崖縣志

王喬山 在縣東南百里俗傳仙人王子喬隱此西安府志

雲顯山俗名文顯山在縣東南百里天將雨則山上雲氣顯然故名西安府志

俗訛為文顯山山最陡峻登高望之橫峙天表為邑東障縣志

熊耳山 在縣東南百二十里縣志導洛自熊耳書經洛水又東逕熊

耳山北水經注上雒縣有熊耳山在東北漢書地理志山在縣東南號分

壤之處洛水至此始大故禹導洛始此縣志○按縣境本屬漢上

實縣東之熊耳也商州亦有熊耳山人多誤指辨見商州

唐家坡 在縣東四里馬志縣東五里有姚家洞高二丈深廣五尺相

傳為王母仙洞西安府志

峯陵山 在縣東十里水口之外奇峯聳秀山南二里有孝感泉西安

府志

茶臼山一名茶山在縣東三十里一名茶山山巔石罅齒齒有臼二

三可受水數升口圓底刻受杵處光潔澤滑相傳為仙人搗茶處

縣志

石家坡 在縣東四十里縣志縣東四十里有羅漢洞中有觀音羅漢

塑像石刻皆宋元年號馬志

大聖山 在縣東八十里山上有龍王廟廟前有聖水泉懸崖飛瀑

旱禱輒應又謂之靈峪泉其水入洛故洛水經此又名靈峪河縣志

洛水經其下古神龜負圖授禹於此志

摩天嶺 在縣東北十五里其山最高又縣東北二十里為鑽天嶺

在常水川北其山益高又有桑坪在嶺東北以地宜桑而名亦謂

之勤桑峪縣志

玉虛洞 在縣東北三十里羅家溝後萬曆十三年有僧見白兔因

發其洞深五里許高二丈餘廣可容千餘人燃炬行五十餘步陟

一山下見石乳之垂而凝者長至丈餘有小如翎孔者薄如蟬翅

者散如飛霜之著林木者石壁兩傍有諸佛像皆天然而成非粧

塑所及乳脂積其下或為獅象或為異獸或如柱而峙或如塔而

有級或如欄杆而玲瓏或如山而蒙雪或如僧伽瞑坐三五相對

中有水積為池水與石平石辨皆成蓮花頂有一穴不可探旁有

二岔幽深不可入柳州疑造物者之有無此真絕人思議矣賈志

大谷龍龕山 在縣東北八十里北接秦嶺寰宇記

秦峪嶺 在縣東北百里縣志

附考上洛縣東北有獲輿山漢書地理志獲水南出獲輿山水經注○今

洛水 在縣北五里源出秦嶺東流逕熊耳山入河南盧氏縣界圖

導洛自熊耳書經謹舉之山洛水出焉而流注於元扈之水山海

洛水出上洛縣謹舉山東與丹水合又東戶水注之又東得乳水

又東會龍餘之水又東至陽虛山合元扈之水又東歷清池山傍

合武里水又東門水出焉又東要水入焉又東與獲水合又東逕

熊耳山水經上洛縣有洛水隋書地理志洛水在縣北一里寰宇記洛河

源出洛水泉在縣西一百里秦嶺下汨汨東注縣境之山皆生於

秦嶺及中幹而兩山之水皆歸於洛縣志洛河出洛水泉屬渭南境

五里入縣境為楊家河又十里為冀家河又東南受元扈石門諸

水計流三百二十里出境縣冊○詳見圖考

地畫岔水 在縣西北百餘里源出渭南界合於洛又有階峪川源

出金堆城逕蔣家溝入洛又有構峪川南流至保安村入洛縣圖竹

山之陽丹水出焉東南流注於洛山海經丹水出西北竹山注於洛

又戶水北出發戶山乳水北出良餘山皆南流入洛又龍餘水出

蠱尾之山東流入洛水經注○按此丹水別為一水非商州之丹水又地畫岔諸水疑即丹水及戶乳龍餘諸

水然未有明証也

黑潭水即元在縣西八十里縣圖陽虛之山臨於元扈之水是為洛汭

山海經元扈之水出於元扈之山蓋山水兼受其目水經注元扈水出

元扈山之陰今名黑潭子東北流入洛其入洛處當陽虛山南縣志

文峪川 在縣西二十里源出華州之金堆城經書堂山西入洛縣冊

石門川即魚難水在縣北十八里魚難山有撲水崖高五十丈魚不能過

故又曰魚難水經石門入洛寰宇記石門川源出黃龍山合麻坪川

水南注於洛西安府志石門在縣北十里石門麻坪二水會流處石山

突起中闕一門高廣各五六丈二水合流其中亦號為龍門縣志

縣河即武里水一名清池在縣南二百步縣圖洛水東歷清池山傍東合

武里水其水南出武里山東北流注於洛水經注里清川謂之清池

川蓋以水在清池山傍名也寰宇記縣河之上源曰洗馬河在縣西

南四十里世傳樊噲洗馬處曰王病川一名秦王川在縣西南三

十里相傳唐秦王遊此而病故名俗又名黃栢川逕火燒寨北入

縣河曰大渠川在縣西南十里源出鳳凰山逕柳林鋪西入縣河

曰小渠川在縣西南五里亦出鳳凰山折而西逶呼雷山傍合大

渠水入縣河迤東又有南川一名乾河源出中幹山逕龍山西入

縣河又有東川一名揜帶谷河亦出中幹山合東西窄口水入縣

河又東北入於洛其入洛處曰鍋底潭在縣東北五里深不可測

縣志

沙河 在縣東十五里源出鹿池在縣東南二十里俗傳昔時月夜

見羣鹿飲此故名西安府志其水北流經茶白山入洛縣志

鞏坪河一名泰峪在縣東北源出泰峪西受架路常水東受桑坪等水

合流入洛縣志水出泰峪經路家街過鑽天嶺東南流入於洛縣志

故縣川即要水在縣東南四十里西安府志要水南出三要山東北逕拒陽

城西而東北流入於洛水經注○拒陽源出三要山源遠水濶東

流而北折經故縣治因名又北逕頁山下繞迴西北入於洛縣志

文峪河 在縣東北源出中脉嶺南逕北注川入洛縣志自扇車峪入

縣界遠梁頭原入洛縣志○按此與出金堆城之水

靈泉水 在縣東南百二十里鄉民祈雨有應西安府志靈峪口有石泉

如缶泉水上湧噴濺如珠其流入洛縣志

西峪河 在縣東百二十里源出盧靈關經黃龕南流入洛縣志

八里乾澗水 在縣東南百二十里水自莽嶺北流伏行地中八里

至雲顯山復出東北流入於洛西安府志

仰天池 在縣東南百里西安府志

黑馬池 在縣東六十里西安府志

真人溝 在縣東南百里西安府志

銀洞溝 在縣東北五里西安府志每天爽氣清溝吐白氣如練縣志

五眼泉 在縣東二十里泉有五竇四時不涸西安府志

附考洛水又東門水出焉爾雅所謂洛別為波也○獲水南出獲輿

山俗謂之脩水東北逕獲輿川世名為却川東北流注於洛水經

按禹貢錐指門水東北歷陽華山又東北至靈寶縣入河今縣境洛水無分流入他境者門水殊無可考又獲水疑即乾澗水然亦

無可考

山陽縣

蓮花山 在縣北五里縣主山也縣冊形如蓮瓣蜿蜒起伏而西昂一

首曰蒼龍山又曰豐山縣志

元武山 在縣城北山形似龜上有真武祠西安府志混元洞在縣城北

明成化間頗加增修康熙三十三年邑令秦凝奎增鑿東西龕洞

三又建閣三間為講學之地又琉瑤洞在縣城西北山腰歲久石

路崩潰不可攀陟又洋廉洞在琉瑤洞西洞前後二層前深二丈

後近一丈又黃龍洞在縣西里許尖山寨嘗天朗氣清忽湧濁水

竟日而止有石碗木筯隨水出數十年一見洞有雲則雨一名雲

雨山又相近有羅漢洞在永安寺後

南原 房家原 俱在縣南一里西安府志南原一名小庵原馬志

龍首山 在縣東南脉自翠屏山來望之如龍首翠屏山在縣南二

里又縣東南十里有鳳凰原西安府志龍首山在翠屏山東北山下有

泉入豐河又翠屏山與學宮相對勢如屏列有大悲洞昔人題額

尚存又山之陰有湘子洞內有石竇四時不涸分前後門一門東

向一門西向又名鍾馗洞又有筆架山稍低小又有邱形如聚米

名聚米邱縣志

苦竹原 在縣北二十里馬志

高礪山 在縣北五十里鑿石如門險塞可守即州南之高礪山也

縣冊○按馬志有石門在縣北四十里亦即此也

仙人龕 在縣西北五里相傳仙人呂洞賓韓湘子遊此宋邵康節

僑寓旬月龕有勒石縣志

梅峯山 回龍山 俱在縣西五里西安府志

鳴馬山 在縣西十里寰宇記

桐峪 在縣西二十里峪口有凉水泉西安府志銅洞在縣西三十里志

白雲洞 馬志作華稗洞在縣西四十里西安府志

安禪嶺 禪一作善在縣西五十里道通鎮安縣志

鷄子嶺 在縣西六十里其相近有鎗鋒崖又有滂峪西安府志

槭峪 在縣西七十里西安府志九里坪在縣西七十里又有說法洞在

坪西南縣志

象山 獅山 並在縣西八十里扈家原南北對峙金水從中流出

縣志縣西八十里有兩家山馬志

殺虎嶺 一作沙狐嶺在縣西九十里山高路險綿亘二十餘里昔有勇士

殺虎於此西安府志沙狐嶺綿亘若長城高入雲端縣志○按殺虎嶺即沙狐嶺蓋以音

訛而

竹凹 在縣西九十里馬志行者洞在縣西九十里縣志

上高山 下高山 俱在縣西百里連附巖嶺縣志

魚臺山 在縣西百二十里西接鎮安南接湖廣界其相近有獅子

凹縣志

三鳳山 在縣西百三十里中凡七十二洞內有堯山洞神女洞白

龍祖師洞又有仙人崖蒼壁數百仞壁間曾有人錘鑿樵者見之

呼曰爾仙人耶其人即化為石縣志

文壁山 在縣西南五里西安府志

饅頭山 在縣西南二十里山有仙羊洞常有水昔有人於此得道

飛昇傳云即葛洪也去入羅浮山西安府志

舍峪嶺 在縣西南五十里上有泰山廟又縣西南七十里土地

嶺縣志

大山 在縣西南九十里又相近有葦園坡西安府志大山峯巒高聳甲

於諸山其西有惠家洞前後有門門高五丈寬十餘丈可容三四

十家東有楊仙洞一名楊善洞昔人避寇處縣志

劍架嶺 在縣西南百里縣志

七里碇 在縣西南百餘里山槐南東西兩山壁立相向如揖不交

合者僅尺餘仰望青天如一綫非亭午不見日其中一溪南瀉水

聲如雷縣志白石崖在縣西南百二十里馬志

五峯山 在縣南二十里山有五峯相傳為宋時屯兵處西安府志

黃毛山 在縣南九十里西安府志寬坪在縣南百里馬志

嶺白山嶺艾平聲在縣南百十里西安府志

蘇峪 在縣東南五十里又鶻嶺在縣東南六十里高峻勢如鶻起

西安府志鶻嶺自高八店南六十里道通漫川豐陽關石磴盤紆號為

崎險縣志

播鼓臺山 在縣東南七十里由高八店折而南孤峯聳出於諸山

中縣志

天柱山 一名牛山 在縣東南八十里縣圖上津縣有天柱山隋書地理志

上津縣今屬湖北鄭西界天柱山一名牛山在上津縣北五十里寰宇記上津天

柱山絕巖壁立秀出眾嶺有穴名遊仙洞洞口有竹數莖寒風凜

然人不敢入段成式名山記天柱山在山陽壁立萬仞上有池潛確類書宋邵

雍向商守給戶帖居此有詩云一簇烟嵐鎖亂雲孤高天柱好棲

真又有青石峽在縣東南九十里馬志天柱山一名天竺山唐羅公

遠宋邵康節皆隱於此西安府志相傳呂洞賓曾居此山山有摘星巖

摩天巖淨瓶峯雷神洞昔趙知微有道術中秋積陰不解知微曰

可登天柱峯翫月及登月色如畫下山則風雨如故縣志○按天

上津謂在鄆西境者誤

香爐山 在縣東南百里其相近又有老山坡府志西安王先生坪在縣

東南百十里其相近有小龕在兩岔口志縣

土地嶺 在縣東南百二十里嶺下即漫川其相近有大龕樓閣亭

院甲於山陽又有藏經洞又去藏經洞二里有興隆洞亦名西洞

又去藏經洞三里有十佛洞朝陽洞又有龍眼洞在山槐境前後

有門可容三四十家欲登者用數丈梯始得入志縣櫻桃凹在縣東

南百二十里志馬

任嶺 在縣東南百三十里與湖廣上津接界志縣

湘子洞 在縣東七里近乾溝亦名湘子洞志縣

圈嶺 一作卷在縣東二十里山連南北水派東西縣志○按地形志豐陽縣有圈地疑即此

雙峯山 一名雙乳山在縣東三十里兩峯相對其狀似乳舊又名雙乳山

其相近有截峪府志西安山在官道南其相近有南家埡志縣

蔣臺山 在縣東四十里高八店又龍頭嶺在高八店東北三里許

志縣洛峪在縣東五十里志西安

孤山 在縣東六十里官道南四圍坦平孤峯獨聳府志西安其相近有

鳳凰山在中村西有火焰山在中村南土石皆赤志縣

乾石峽 在縣東七十里志馬其相近有捷峪又縣東七十五里有申

家埡志縣

天臺山 在縣東八十里盛產梅每遇花開山如綴玉府志西安

核桃坪 在縣東百五十里志馬

華皮原 在縣東二百里府志西安與商南接界其相近有碾子坪志縣

光照山 在縣東二百十里其山向陽故名府志西安與湖廣鄖西接界

志縣

韓墓原 在縣東北八十里與商州接界西安府志

魚洞 在縣東北百三十里西安府志嘉魚穴在上津縣東北百五十里

穴口濶三尺常有水寰宇記○按上津舊縣在縣東南則嘉魚穴疑即魚洞

附考青鳳山在縣西南二百六十里又豐陽山在縣南二百五十里

又鬼嶺在縣南二百七十里寰宇記○按三山今俱無考疑當屬鄜西境 葛山在馬頭

山南西安府志○按葛山在縣西則葛山亦應在縣西疑當因葛洪仙蹟而名然無可考

金井河即甲水一作夾一在縣西南七十里自鎮安界流入又東

南入湖廣鄖西界漢書地理志○上洛今屬商州錫縣

今屬鄖西白河界甲水自逕金井城南又東逕上庸郡北與關柎水合又

東南逕魏興郡之洵陽南又東右入漢水水經注○魏上庸郡治豐陽屬今縣境

陽縣有甲水隋書地理志○豐陽故城在縣南 甲河以甲於諸水在縣西百二十

里南流入漢或以方向名舊云夾河非是馬志金井河一名金津河

西安府志自鎮安柴家庄東來合花水諸河至董家溝合於豐水縣志合

河以眾水所會而名又東南流逕縣南百二十里南入湖廣舊上

津縣境共計流三百八十里至甲河關入漢州冊

姬家河 在縣西百二十里與魚臺山不遠西接鎮安界又葛河亦

在縣西百二十里其水俱入金井河縣冊

花水河 在縣西南百里自鎮安境白石崖東來流入合河縣冊金花

交會於城西八十里至乾溝交會因名合河縣志

牛耳川 在縣西六十里西安府志源出太伯山流入金井河縣冊

色河即關柎水一名平陽水今在縣西三十里自商州來南流與豐

水合西安府志關柎水自青泥西山南經陽亭聚西俗謂之平陽水南

合豐鄉川水又南入上津注甲水水經注○按陽亭聚在今縣北

舊屬上津地也 色河源自秦嶺流入豐陽河馬志關柎水色河其止源曰安武

水又名下關坊河出會劉嶺之水經苦竹原土橋子仙人龕西流至石碓合於豐水又至縣西南六十里有馬峽灘甚險峻又有棧峪水東南流至縣西三十里入色河縣志

縣河即豐陽川一名豐鄉川在縣城南即豐鄉川也縣志豐陽川水出

弘農豐鄉東山西南流經豐鄉故城南又西南合關柎水水經注

即豐陽縣河發源於縣東二十里卷嶺之乾溝逆流而西至石碓又

西至巖灣子折而南至秤鈎灣合安武水又折而東南西合色河

至豐陽關之黎家灣又西至甲河關入漢又有桐峪水自商州黑

山寺南來至桐峪店入豐水縣志西河在縣西三里府志

箭河 在縣南百十里流至黎家灣入合河又有山槐水入蓮花池

東會箭河入合河又有青崖河在縣東南百二十里源出青石溝

流至黎家灣入於合河縣志

南水河 在縣東南百里發源白崖其流入漢西安府志

漫川 在縣東南百二十里西安府志源出鷓嶺溝經兩岔口姚家灣漫

川關至沙溝舖入漢縣志隋置縣以此川名縣志

龍洞川 罩川 俱在縣東南百二十里西安府志接鄖西界縣志

丹水一名兩河在縣東百五十里與商南接界自州東入縣境至竹林關

與銀花水合又銀花河在縣東八十里源出圈嶺東流入兩河西安府志

志兩河即州河之丹水也東路高八店水東流入銀花河又東受

中村河至竹林關入丹江縣志○詳見圖考

不溢池 在太初庵旱不涸雨不溢又玉井池在縣西南南庵門外

又浴龍池在縣南門外西安府志

仰天池 在縣北十里內多蓮花香聞數里西安府志

龍泉 在縣南三里西安府志

暖水泉 在縣東南百二十里冬夏常溫西安府志

天鑑泉 在縣東北縣志舜子均封商生九子卒葬東北山之麓原下

平疇中二泉湧出秋冬不涸縣志

附考上留交水在縣西三里南流入皮谷水寰宇記縣有勤王河一名

救王河以惠指揮勤王於此又有龍馬池以昔有神馬飲水而名

縣志○按諸水今俱無考疑留交水即色河皮谷水即金井河也

商南縣

龍山 在縣東北一里與虎山對峙蜿蜒高聳狀如龍蟠西安府志

虎山 在縣西一里蹲踞如虎馬志

商洛山 在縣南一里賈志

界嶺 在縣北二十里嶺勢雄壯登眺甚遠西安府志

界嶺 在縣西北五十里接維南界西安府志

寡山 在縣西三里其相近有雞公峪西安府志索峪在縣西七里馬志

分水嶺 在縣西十里嶺有水東西分流故名西安府志

四條嶺 在縣西五十里南自清油河入嶺登降凡四險巖陡峻西

至武關三十里其嶺與商州接界縣志

雙廟嶺 在縣南二十五里上有雙廟西安府志

吐霧山 在縣南七十里其山高峻將雨則有霧起故名雍勝畧

大嶺 在縣南八十里為楚豫錯壤其東南有木家凹縣志

青山 在縣東南四十里道通荆襄又筆峯山在青山之右壁立萬

仞形銳如筆為縣治案山西安府志發脉於角山疊嶂層巒望之甚秀

縣志

龍王山 在縣東二里西安府志

魚難山 在縣東八十里山下有水崖高數十丈魚不得過故名賈志

與河南浙川接界縣

角山 在縣東北四十里發脉於終南連乎秦嶺雙峯峻聳如笋漢

角里先生隱處故名其相近有四山縣

丹水今名兩在縣西四十里縣丹水即今之兩河水也自州境來逕

縣西南一百里曰上兩河合銀花河水又東復逕縣南四十里曰

下兩河與沫河商河合又東南入浙川界州自縣西雷家洞入境

逕呂家灣受武關河又受清油河水又逕縣西九十里魏家灣折

而南流至徐家店受縣河水又至梳洗樓去縣南一百里又折而

東出境入浙川界計流本境二百二十里州師婆潭在縣西南五

十里不靜潭在縣南九十里近梳洗樓即丹水下流西安府志

清油河 在縣西三十里西安府志源出維南花犂坪自西北入境納武

關以東之米南流逕縣西至魏家灣共計流七十里入丹水州

沫河一名在縣東門外源出縣東北西南流入兩河縣沫河即縣河

發源於盧氏之界嶺南流五十里入境又逕縣西南流四十里至

徐家店入丹水又有寶於河俗訛為保子河在縣南十里發源於

濕地流入縣河又有索峪河在縣西七里源出縣西北馬家崖流

三十里入縣河州

商河一名在縣西南八十里或訛為囚河東流入兩河西安府志

湘河 在縣西南百里苗河在縣西南百四十里西安府志湘河源出商

州范家山入縣境流九十里入丹水又苗河源出縣西南索家溝

之龍潭流五十里入湘河縣

滔河 在縣西南百七十里發源鄖陽自縣西南入境逕大竹園又

經秦家漫東流一百五十里入浙川界州

上扶川 在縣南百里中扶川在縣南百五十里下扶川在縣南二

百里西安府志

富水河 在縣東二十五里亦發源盧氏之界嶺自東北入境南流

至富水關六十里又東流三十里入於河南浙川之淇河州冊

龍潭 在縣西五十里石上一潭傍流不入其深莫測州冊

史家潭 在縣南十里西安府志

花子潭 子一作字又在縣西南百三十里 西安府志 有三潭相連俱在石

上每潭周十餘丈兩傍懸崖下瞰形勢險惡亦名風雨雷潭俗傳

至其地者稍不敬其中即雷聲隱隱潭水隨溢縣冊

三角池 在縣南十五里其形三角中多魚鱉西安府志

五娘溝 娘一作狼 在縣西北三里又捉馬溝在縣西十里又鞦韆溝石槽

溝俱在縣西四十里又馬槽溝在縣東北五里西安府志

南龍庄泉 在縣北三十里石嶺上周數丈每天欲雨泉必起霧旱

棣多應州

同州

商原 即商顏一名許原許一作澣又名高原又名鐵鎌山又名長虹嶺 在州北二十五里西安府志 水經

注云洛水南經商原西俗所謂許原寰宇記 馮翊有商原所謂商顏

通典○馮翊故城即今治 許原一名長虹嶺又名鐵鎌山西盡州境絕於雒東

經朝邑絕於河延袤八十餘里賈志 許原一名高原其地寬平自蒲

城連朝邑界近沮水之澣又名澣原雍勝畧○亦見朝邑縣

黃堆山 在州西廣德元年党項寇同州郭子儀敗之於黃堆山即

此州冊

沙苑 一名沙阜又名沙澤又名沙海 在州南十二里一名沙阜東西八十里南北三

十里後魏大統三年周太祖與高歡戰於沙苑大破之人栽一樹

以表其功今樹往往猶存元和志 唐置沙苑監在馮翊朝邑兩縣界

唐末廢周顯德二年於苑內牧馬在州南二十五里寰宇記沙苑在

州南維渭之間亦名沙海亦名沙澤其中全起者曰沙阜東跨朝

邑西至渭南南連華州其沙隨風流徙不可耕植唐置沙苑監宋

初置牧龍坊今為馬坊里明初為郭駙馬草地隆慶間有司議加

賦民控於朝得免近時居民芟牧其中多樹果菰佳於他產州志亦

見朝邑縣

洛水 在州西南五里州自澄城蒲城界來南逕商原又逕州南沙

阜北東入朝邑界禹貢錙指。詳見圖考

渭水 在州南三十五里自渭南華州界流入又東入朝邑華陰界

州渭水東經平舒城北水之陽即懷德縣界水經注。詳見圖考平舒城今屬華陰漢

懷德縣今屬朝邑

赤岸澤 在州西南縣貞觀中自京師東赤岸澤移馬牧於秦渭元和

志澤在長安東北馮翊西南道里適中之地今湮縣

白馬池 在州西南三十里西安府志

清池 在州西南四十里周二里池水漣漪可愛其相近有蓮花池

周五里舊多蓮今漸堙廢西安府志

泉井 在州學前南城下有三穴又東門井在城東門外又西門井

在城西門外城中井水鹹苦民多汲此西安府志牛存節為鄜州留後

朱友謙叛附於晉與岐兵合圍日久同州水鹹而無井欲以渴疲

之存節禱而擇地鑿井八十皆甘可食友謙卒不能下五代史牛存節傳

鑱山七泉 俱在州北鑱山之麓曰西渠泉又西曰坡底泉又西曰

漢村泉義井泉新莊泉馮村泉平王寨泉州志

紅善泉 在州西南四十里又州西南五十里有蘇村泉又稍西有

北土泉西安府志

九龍泉一名九龍池在州南八里沙苑州泉有九穴同為一注因名

九龍今謂之鵝鴨池寰宇記九泉同流州所由得名也鍾而為池名

九龍池廣袤五頃今漸堙廢州志

附考同州有洱泉郡縣志○按洱音耳泉無考

朝邑縣

華原山即彊梁原一名朝坂在縣西門外又紫陽山在縣西南三里有靈應觀

賈志朝邑縣有朝坂隋書地理志朝邑縣以北據朝坂名元和志水經注云

洛水東南歷彊梁原俗謂之朝坂寰宇記華原繞縣西而北以絕於

河古河堙也一名朝坂亦謂之華原山同州志邑人劉星柱云有人

於地中得古碑乃華原也世稱華原疑誤又紫陽山接華原西折

而入於同州幾二十里蓋即華原之傑出者縣志

鐵鎌山即許原一名長虹嶺在縣北四十里西接州境東絕於河即許原也又

名長虹嶺縣志○詳見同州

沙苑一名沙阜在縣西南二十五里圖沙苑一名沙阜其阜東西八十里

南北三十里寰宇記在洛渭之間東起縣界西跨同州至於渭南在

縣境者三十里縣志○詳見同州

黃河在縣東七里自郃陽界流入與山西蒲州接界又南入華陰

界縣志朝邑縣有黃河金史地理志自龍門而來歷韓城郃陽經本縣臨

晉關轉經潼關界雍勝畧黃河舊自郃陽入朝邑東境南至大慶關

東濱蒲州城故曰蒲津禹貢所謂西河也南至金龍渡為河與洛

渭交匯之處世稱三河口去縣東南三十里州志自明成化中洛水

崩於河河之害十倍於前隆慶三年浸縣東門萬曆六年浸太陽

諸聚落七年越大慶關浸滎西出喬家灘三徙兩陽村浸其半至

十二年三河口亦在洪流中矣縣志○詳見圖考

金水河即洽水在縣北五十里苦泉東北五里自郃陽界南流六十餘

里入縣界又東流逕沔峪鎮入於河縣志○詳見郃陽縣

洛水在縣南五里自本州界流入又東南入河縣志○詳見圖考洛水舊流自縣

南之趙渡鎮逕華陰西北葫蘆灘入渭明成化中洛水改流東過

趙渡鎮南徑趨於河不復入渭矣縣志○詳見圖考

渭水在縣南四十里自同州界來又東至華陰界入河縣志○詳見圖考渭水又

東逕長城北又東至華陰界水經注朝邑縣有渭水金史地理志○詳見圖考

小鹽池在縣西北十五里縣志縣有小池有鹽唐書地理志在苦泉南二

十里鍾水一區旱時可煮水成鹽今不恒有西安府志

太白池在縣西南四十里周十里洞然深黑常有雲氣西安府志池多

蓮開時遊覽不絕又北五里有麻子池旱則竭潦則溢又西北有

蓮花池近為風沙所沒縣志

馬園井在城內西南隅其水甘美他井不及邑人賴以汲飲西安府志

鎌山五泉大奇泉在縣西北又西為象底泉又西為蔡庄泉西安府志

苦泉在縣西北三十里許其水鹹苦羊飲之肥今於泉側置羊牧

故諺云苦泉羊洛水漿元和志苦泉亦名雙泉今皆為民田縣志

郃陽縣

梁山在縣西北四十里東西橫亘逶迤最遠望之如屋梁雍勝畧徐

水出西北梁山水經注山上有石室羅漢洞有泉曰天井曰龍泉曰

聖水泉禱雨輒應又有東西峪洽河橋頭河二水出焉山與韓城

縣接界縣志○詳見韓城縣

方山在縣北四十里形如覆斗西安府志

太樂仙人洞在縣西北三十里洽水北縣志

丹陽洞一名老君洞在縣西二里或謂之老君洞洞口多欵冬花俗傳為

仙植縣志

仙公原 在縣西南五十里相傳為漢楊寶辟穀於此賈志

乳羅山一作葶蘿山 在縣南三十里俗訛為葶蘿山有洞亦訛為西施洞

縣志相傳有人過此山拾一卵青色置箱中後化為蛇名曰乳羅故

山名因之西安府志上有筆架峯邑進士仵魁倡眾築墩排列儼若筆

架縣志飛浮山一名非山在縣東南四十里縣志邵陽有非山金史地理志山在黃河中

俗傳與河水為升降上有子夏石室雍勝畧

翊教洞 在縣東北三十里百良河側縣志

黃河 在縣東四十里自韓城界流入與山西臨晉縣分界又南入

朝邑界縣志河水自合陶渠水又南徐水注之又南逕子夏石室又

南過汾陰縣西又逕邵陽城東又南漢水入焉又南逕陶城西水經

注○詳見圖考汾陰今屬榮河縣陶城今屬臨晉縣

百良河 在縣東北三十里東南流入黃河縣志

橋頭河即徐水又名腰帶水在縣北十五里西安府志徐水出西北梁山東南流逕

漢武帝登仙宮東東南流絕彊梁石逕劉仲城北又東南逕子夏

陵北東入河水經注橋頭河源出梁山東峪逕城東北入河即徐水

也順治中邑人雷學謙引水西流環城而東如圍帶又名腰帶水

金水河即洽水一名漢水在縣西北三十里又東南入朝邑界縣志在洽之陽

詩經大雅洽水名在今同州郃陽縣今流已絕故去水而加邑朱應劭傳

曰縣在郃水之陽漢書地理志城北有北漢水南去二水各數里其水

東逕其城內東入於河又城南側中有漢水東南出城注於河城

南又有漢水東流注於河即郃水也縣取名焉水經注按中漢水蒲

地漢水與南漢水俱在舊河西縣南五里今郃陽縣界元和志

在縣東南漢水總發源黃河西岸平地寰宇記洽河源出梁山西峪東流

注於黃河漢永平間流絕今有乾河村其後復流邑人重之呼為

金水雅勝畧世傳宋太祖遊關西經此得疾夜夢金甲神人以金盃

酌水飲之而愈遂呼為金水西安府志縣有王村漢鯉漢東鯉漢湯池

漢夏陽漢葉夢熊曰郃之為漢泉者五去河僅數武湧出地尺許

清冽迥異縣志

大峪河 在縣西二十里與澄城接界其流甚清西南入於洛賈志

陽班湫 即剗首水又在縣東南五十里縣志文公七年秦敗晉於令狐

至於剗首左傳郃陽有剗首水通典郃陽縣有陽班湫貞元四年堰湊

谷水成唐書地理志漢水與剗首水相近寰宇記朝邑東北有剗谷鎮以

近剗谷口而名朝邑志

官池 在縣治南近城縣志

鴈尾溝 在縣西二十里西安府志

溢井 在縣西南二十里井溢塞塞有智井明嘉靖二十年忽溢突

於平地自下而上三百尺許蓋亦漢水之旁出者縣志

白泉 溫泉 灰泉 俱在縣東南四十里夏陽村今沒於河縣志

澄城縣

社公山 在縣北五十里有社公社母廟縣志

將軍山 在縣北六十里上有秦武安君白起廟山南有村曰社田

相傳為起食邑居民有白姓者或其苗裔歟縣志

界頭山 在縣北七十里接洛川界縣志

石樓山 在縣北七十里山形如樓其相近有栢谷舊多栢西安府志

壺梯山 在縣西北五十里雲霧集輒雨西安府志縣西北五十里有雲

門谷谷口若門水氣如雲故名雍勝

石門山 在縣西北七十五里縣圖其麓有風洞一名風谷其深巨測

天將風洞中先有聲響振巖谷風欲息則其響如初又相近有麻

林陂山又有紅羅谷土色多紅故名府志

金沙谷一名金溪在縣西三里相傳佛圖澄遊息於此府志一名金溪縣志

伏鳳山 在縣西二十里府志

臨高原 在縣南五十里縣志李忠襄公顯忠初仕金知同州以計執

金撒離喝密圖南歸後由漢村經臨高原奔夏宋名臣言行錄原有泉曰

龍泉味甘如醴隋文帝在同州每取致焉府志

武帝山 在縣東北七十里府志相傳漢武帝遊梁山經此土人立

廟祀之縣志

洛水 在縣西二十里自白水界來又東南入蒲城界禹貢武帝時

穿渠自徵引洛水至商顏下漢書溝洫志洛即漆沮水徵即澄城也師

古注洛水自白水入縣西北隅南受玉泉水又南受長寧河蓋雲門

紅羅二谷水所會也又南受縣西河則甘泉隋公泉激泉洗腸泉

擗鎗泉諸水所會又東南有撲地河即郃之大峪水自東北南流

西受龍泉水同入於洛縣志詳見圖考

玉泉水 在縣西北五十里老樹偃仰怪石巉巖泉隨崖下瑩潔如

玉隆冬水芹夾岸不啻春夏泉下又有蔬圃藥畦引流灌溉元西

臺御史潘汝劾來遊有詩縣志

長寧河一名三娘子川在縣西北四十里即雲門紅羅二谷水之所會也以

流逕長寧城故名長寧河西南流入於洛府志雲門谷水源出澄

城縣界寰宇記三娘子川在縣西北三十里源出宜君界麻林坡溝

底會雲門紅羅二水入長寧河又有陰泉水在縣西北三十里泉

自崖陰出味極甘冽東南流入長寧河縣

縣西河即酒泉一在縣西北四十里縣王巡號守號公為王宮於玆

王與之酒泉傳左酒泉周邑今同州有甘泉出匱谷中造酒尤美名

酒泉社注甘泉水出匱谷其水甘美堪造酒寰宇記甘泉水俗名縣西

河會縣西諸泉入於洛又隋公泉在縣西北三里許其水清澈可

愛東南流入甘泉水縣志隋文帝避暑時宮娃浴此故名府志

澄泉水澄一作激在縣西三里縣以此名源出大慶里西莊澗中雍

源潔流清釀酒香美人多用之會甘泉入洛雍大在三里澗中

又名官泉縣志

洗腸泉水 在縣西三里相傳晉高僧佛圖澄洗腸於此名山記在三

里澗南百餘步金沙谷下油膩如星浮水面旱禱有應縣志

撈槍泉水 在縣南三里相傳漢光武北征時撈槍得泉故名潘確類書

天峪河一名撲地河又名李在縣東二十里源出界頭山與郃陽分

界至蒲城入洛亦名撲地河俗訛為薄底河又謂之李家河縣

溢池 在縣西北七十里注而不溢故名府志

芳泉 在城中邑舊無水遠汲三里澗中弘治間知縣徐政即預備

倉鑿一井深三百六十尺命曰芳泉又徐公井亦在城中嘉靖丙

午知縣徐效賢擇隙地鑿四井邑人取汲稱便號徐公井又有雙

泉嘉靖庚戌知縣敖佐因城中水鹹即社稷壇鑿二井其水清甘

溫泉一名帝在縣東北十五里府志泉有三源奇川瀉注西注於洛

又曰帝譽溫泉寰宇記二源並出將軍山麓合為一流中隔土嶺一

里鑿引達縣可以利民或疑即古之溫泉然非入洛之水也縣志

韓城縣

梁山 在縣西北九十里指治梁及岐書經梁山在雍州孔傳奕奕梁

山維禹甸之詩經梁山韓之鎮也今在同州韓城縣朱成公五年

梁山崩春秋梁山河上山公羊傳梁山崩壅遏河三日不流穀梁傳禹貢

梁山在左馮翊夏陽縣西北漢書地理志○夏陽故城在今縣南山在夏陽縣西臨

於河上魏土地記河水又南逕梁山原原自山東南出河晉之望也水經

注關內道名山曰梁山唐十道志韓城縣有梁山唐書地理志大梁山在韓

城縣西五里又有小梁山寰宇記○按雍錄云梁山在雍州見於

在韓城縣詩所云維禹甸之者是也太王去邠踰梁山在奉天西

非禹貢之梁矣奉天梁山距同州治五百里諸家多混合言之誤

又按梁山延亘甚遠自郃陽西北又迤北抵韓城西北之麻線嶺皆梁山也

龍門山 在縣東北六十里縣志○詳見圖考

鳳凰山 在縣北四十里縣圖

萍磁山 在縣北七十里即龍門西山縣冊

大象山 在縣西北二里出西郭即得山麓濂水南旋山勢起伏如

象之飲於潭解拙存名勝志龍門山延亘而南與之相接縣志獅嶺山在象

山南形如獅子臨於潭水躡踞欲動縣續志

蘇山 在縣西北五里許有漢蘇武墓故以名山古徑盤曲而上有

老栢三百餘柯皆南向其麓多柿樹霜後滿山紅色可愛縣志

橫山 在縣西北二十里迤川西北羣峯沓互宅中邃處為橫山石

奇如砌澗底泉聲弄筑振環山有石洞昔道士郝淨元羽化其中

遺書銅碑底為人剽取其藏書穴丹竈至今俱存名勝志文家嶺在

縣西北二十里文水北嶺之南有黃花峪縣圖

三峽山 在縣西北四十里縣圖橫溪水出三累山其山層密三成故

俗以三累名山山下水際有二石室蓋隱者故居又峒谷側溪西

之三峽山也又橫溪水疑即今之湫水

栢林洞 在縣西北四十五里又猿山在縣西北五十里其東北有

蝦蟆坎 縣圖

牡丹山 在縣西北六十里多產牡丹開時紅紫滿山香聞數十里

土人采以當薪又有牡丹坪在渚北村西北亦多牡丹 縣續志

五池山 在縣西北萬峯中為岑凡五深巖邃谷人跡罕至北池最

遠去縣可百二十里西池次之東南池又次之中池稍近亦且八

十里俱有泉俗名海眼山多松中池尤勝自麓及巔青蔥夾路幽

絕人寰舊志稱為五峙者誤也 縣續志

安國嶺 在縣西北 縣冊

朱砂嶺 在縣西北百十里盤水所出 縣圖

麻線嶺 在縣西北百二十里與雒川縣分界明成化八年參議嚴

憲鑿山開道以通餉運 縣志○亦見洛川縣

神道嶺 在縣西北百二十里與宜川縣接界 縣續志

土嶺 在縣西三十五里 縣圖

牛心峽 在縣西四十五里薛峯鎮西 縣冊 峽勢甚奇其左怪石巉然

兩水匯處急流如橫幅練 名勝志

天鷲頭 在縣西五十五里薛峯鎮西北 縣冊 峯不高而媚秀一川景

色盡在望中松樹尤多蔥鬱 名勝志

錦石門 在縣西六十里薛峯鎮南 縣冊 老石成圍森然如楔澗水汙

汙野趣甚曠 名勝志

韓原 在縣西南八里 括地志 僖公十五年秦晉戰於韓原 左傳 即所謂

少梁也 雍勝畧

高門原 一名馬原 在縣西南二十里 賈志 司馬靳葬華池孫昌葬高門 馬司

遷自陶渠水南逕高門南蓋層阜墮缺故流東門之稱今高門東

去華池三里水經注高門原俗名馬門原在縣西南十八里括地原

在芝川西北梁山之麓有層阜秀出雲表縣志

巍山 在縣西南四十里孤峯獨聳而最高縣志登巍山上羣峯皆拱

揖山椒無樹老石班然諺云華山高只值巍山腰地勢可知矣名勝

志

香山 香一作方在縣西南五十里以唐白少傅得名俗訛為方山縣續志

馬頭山 在縣南十五里形類馬首故名縣志

附考蘇代曰茂居秦自峭塞至鬼谷皆明知之史記甘茂傳韓城縣有鬼

谷 隋書地理志按此谷無考

黃河 在縣東十五里自宜川界流入與山西河津滎河分界又南

入邵陽界縣圖河水南出龍門口又南右合暢谷水又南逕梁山原

東又南岷谷水注之又南右合陶渠水昔魏文侯與吳起浮河而

亦美河山之固即於此也水經注河自龍門而南距邵陽不百里河

堦多客土遇潦輒潰與滎河縣接界即韓信以木罌渡軍擊魏處

縣志詳見圖考

錯開河 戶川一名治在縣東北七十里龍門山北有河口畧似龍門而不

能通相傳鯨治水時所鑿今名錯開河縣志錯開河由龍門而上六

七里曰金門其西有澗曰治戶川川口頗多鐫跡在昔金門未闢

崇伯不諳水性意欲使河直行東北故失利耳書云鯨陞洪水疑

即謂此也衛氏地圖記

盤水 即暢谷水在縣西北百十里縣志暢谷水自溪東南流逕夏陽縣西北

東南注於河水經注盤水源出朱砂嶺歷縣北相公殿逕馮峯口東

過薛曲里煖水自西南入焉又南過帶村東入於河又縣北二十

里盤水之南有文水一名汀水一名萬泉東流至吳村又至開化

寺前合盤水入於河縣志

谷水 在縣西北四里源出蘇山東流至留庄入河縣圖

濠水即峒谷水在縣西南一里縣圖峒谷水出縣西北梁山東南流橫溪注

之水出三累山細水東流注於峒谷水東南逕夏陽故城北又東

南流入於河水經注出自西山東南流二十二里入黃河雍勝畧濠水

源出麻線嶺東流為白馬潭受七水入河賈志濠水出麻線嶺東流

過石門離水自南入焉又東過景封峪水自北入焉又東北過土

嶺洳水自西北入焉又東出土門岸高口窄水勢迅急過邑城西

轉而南其勢益激澗水自西入焉又南過陳村澗水自西入焉又

南過馬頭山潦水自西入焉又南過少梁澮水自西入焉又南合

芝水入於河縣志白馬潭在縣西七十里西安府志

芝水即陶渠水在縣西二十三里源出香山賈志陶渠水出西北梁山東南

逕漢陽太守殷濟精廬南又南逕高門南又東南逕華池南又東

南逕夏陽縣故城南又歷高陽宮北又東南逕司馬子長墓北又

東南流入河水經注芝川河源出方山東南流諸山水自西南來會

踰高家坡濠水自北入焉又東過鐸薛遂水自西南來入焉又東

過呂庄沆水自西北來入焉又東過芝川鎮南司馬祠北同濠水

入於河縣志芝川在韓城縣南二十里東流入黃河雍勝畧丹陽觀碑

漢武帝時得芝草於此遂稱芝川縣志續

靈潭一名青龍潭在縣西三里峪有潭淵然巉巖之下將雨則絮絮雲升

相傳有龍潛焉山半飛閣巋然松老莓苔如繡早禱輒應又名青

龍潭縣志續

銅底井 在縣城東北西安府志

陝西通志 卷十二 山川五

獨泉 在縣北百二十里 西安府志

石井 在縣西北十里 西安府志

馬杓泉 在縣西十二里源出石罅以形似名 西安府志

天城泉 在縣西四十里天城堡 西安府志

龍泉 在縣南三里濠水之陰龍王座下冬夏澄碧伏流滙廟前為

方池有松偃蓋以滂然出雲為雨候 名勝志 歲旱禱雨有應 西安府志

北泉 在縣南芝川鎮西張中丞士佩築北圃自為記圖畫刻石稱

方名勝 縣續志

河濱泉 在縣東五里 縣圖

學習進士唐效堯

1840
1841
1842